

\*\*\*\*\*

## RAGAD ADVERTENTIE:

Kabar premili: 1 — 30 temboeng f 1.—  
Langkoengipoen, saben 10 temboeng oetawi  
kirang: f 0,50.

Advertentie limrah: f 0,15 sagaris;  
(apes: f 1,25).

Moendoet kapatjak langkoeng saking sa-  
pisan, oetawi moendoet dados lengganan,  
tebang rembag roemijin kalijan admini-  
stratie.

Hoofdredacteur:

A. DJAJASEPOETRA.

kabantoe

REDACTIE - COMMISSIE.

\*\*\*\*\*

# SWARA-TAMA

## SERAT KABAR KATHOLIEK

== Medal saben dinten Djoemoewah. ==

\*\*\*\*\*

REGINIPOEN LENGGANAN  
SWARA TAMA

1 taoen	f 6,—	} njoewoen kabajar
1/2 "	f 3,—	
3 woelan	f 1,50	} roemijin.

Adrèspioen Redactie lan Administratie

IGNATIUS-COLLEGE

DJOKJAKARTA.

Telefoon no. 795.

\*\*\*\*\*

Drukkerij „Canisius” Djokja.

### — W A R A - W A R A . —

—Minggoe poenika Administratie ngatoeraken wissel tagihan. Énggal koela atoei netepi wadjib. Sadèrèk ingkang roemaos sampoen mbajar sah, mangka katoet ketagih, sampoen dados panggali! Manawi wonten roeweting tagihan, miterang dateng Adm.!

—Manawi pandjenengan pindah, énggal kintoen serat dateng Administratie.

—Sampoen kesoepèn mratélakaken nomer lengganan. Administratie.

## ISIN IPOEN:

## Lembaran 1.

Wara-wara saking Redactie— Moendoeripoen Goena - Krida Djawi — Ingkang kagoengan wadjib moegi manggaliha—Jèn kapaèloe, saé dadosipoen — Dongèng — Njambeti satemboeng, kalih temboeng — Pakabaran — Jèn gagasan koela — Primbon Nasional — Ontjèn sekar gambir melati — Oerap-sari — Correspondentie.

## Lembaran 2.

Andjoendjoeng bangsa — Sadaja ingkang maédahi sampoen ngantos itjal kasilep — Bezuiniging — Sinten neda lombok djempling, andjempling — Pilihan loerah doesoen — Sajoembara — Klatèn — Poerwarredja — Saking Bodjanegara.

## GOENA - KRIDA.

### MOENDOERIPOEN GOENA - KRIDA DJAWI.

(Verval der Jav. kunstnijverheid).  
Sambetipoen Sw. Tm. No. 39.

Oepami pandjenengan mirengaken andar sabdaning Njonjah Resink-Wilkens pijambak, mbokmanawi ladjeng kraos mak pendekel, lan keraos-raos kanti semplah sarta ngoenandika ing batos: „Hem, dadi kagoenan-krida Djawi ki wis mlorot nganti semon!” mBokmanawi pasambat pandjenengan dados kelara-lara, prasat sampoen boten kénging dipoeneng-enengi. Éwasamanten meksa taksih wonten ingkang moerogaken andjenggèlèk lan greoged toemandang. Inggihi poenika:

Sapisanipoen: kados ingkang kaseboet ing nginggil, sapoenika sampoen wonten pakempalan-pakempalan atoeidoe andjoendjoeng goena - krida kaplorot waoe. Lan angsal-angsalanipoen teka kénging kawastanan sampoen andadosaken mareming manah. Lah poenika rak dados tanda, jèn bangsa kita Djawi djanipoen taksih katjenggah ngedalikan barang pèni-pèni lan èdi-èdi; namoeng kémawon nélakaken oegi, jèn betah banton wragad oetawi pitoentoen. Poenapa poenika njemplahaken badan? Poenapa malah boten kosok-wangsoelipoen? Inggihi poenika: nenangi, soepados wontena banton wragad oetawi pitoentoen?

Kaping kalihipoen: oepaminipoen ing kedjawèn, kados taksih wonten ingkang remen nganggè, lan sapoenikanipoen inggihi nganggè oegi bekakas - bekakas pèni-pèni kados djamani roemijin. Jèn pandjenengan badé karsa mriksani poenika, tindaka dateng sad. Djawi, ingkang asring dipoenwastani „kaoem kolot” (hem!), nanging tindakipoen waoe sampoen kados toewan-toewan. Awit jèn makaten, anggenipoen nampèni sasaged-saged badé tjara toewan-toewan. Woosana tjèrèt adèpan, ketjohan, gantènan lss. sami dipoenelikaken poenika rak dédi bekakas kanggé toewan-toewan ta?

Saking pamanggihipoen Njonjah Resink-Wilkens moerid-moerid ing pamoeangan Djw. kawoelanga pandamelan tangan, soepados goena-krida waoe sageda énggal moemboel.

Lo kados-poendi tegesipoen poenika? Poenapa karsanipoen ing pamoeangan Djawi sadaja tanpa pilih?

Jèn karsanipoen waoe namoeng margi nggalihi makaten: „sapa sing ndjalok akèh, ikoe adaté moeng olèh satitik,” kados pantes dipoen-tjondongi sanget.

Nanging jèn karsanipoen waoe pamoeangan Djawi sadaja tanpa pilih-pilih, kados boten mokal manawi wonten ingkang godjag-gadjeg, malah doemoegi boten saged njondongi. Djalaranipoen: kados kirang prijogi, manawi moerid-moerid sadaja kadadosna kemas, sajang, toekang ngoekir, toekang natah, toekang nenoen lss., tjekakipoen: ingkang bédjingingipoen saged nindakaken goena - krida. Lah sapoenika kotjapa: soepados saged nindakaken kados mestinipoen, poenika ing sawaoe rak kedah anggadhahi dedasar (talent, aanleg); kang mangka kados boten saben laré anggadhahi dedasar waoe. Lan malih: ing djamani sapoenika kados katah pendamelan sanès ingkang kedah dipointindakaken, kedjawi goena-krida; kadosta: dagang, djoeroe serat, ngoesiri montor, nglampahaken endas-endasan sepoer lss. Tijang sadaja waoe rak boten soesah gadah sesagedan olah goena-krida.

Namoeng kémawon jèn karsanipoen Njonjah Resink-Wilkens waoe, soepados para moerid - moerid kagoelanga saged ngaoi dateng bekakas pèni - pèni lan èdi - èdi tjara Djawi, poenika pantes dipointjogji babar pisan. Sebab remen dateng saé-saé lan èdi-èdi, poenika sampoen dados wewateking manonoengsa. Inggihi leres watek waoe asring boten ketawis, margi boten naté kagepok, kasroewé oetawi tinarboeka; éwasamanten boten kénging kawastanan boten wonten. Malah jèn katamataken, watak waoe boten kénging kapekak babar pisan, nanging kala-kala kedah ladjeng mentjoengol. Dados nenangi remen dateng sroewa saé lan èdi poenika boten nama mokal lan sok tjanga saged sarta kénging dipointentangi.

Namoeng weling koela: moegi anggenipoen dipointentangi waoe datenga pèni - pèni toewin èdi - èdi sedjati, soepados bédjingingipoen sageda toelos djoedjoer anggenipoen remen dateng sroewa saé (een gezonde smaak hebben).

Jèn nenangi kesenengan dateng sroewa saé waoe katindakaken kados makaten kados ladjeng nama boten namoeng saged lan kénging kémawon, nanging malah presasat wadjib; djalaran remen dateng sroewa èdi kanti djoedjoer poenika klebet dateng babagan tindak-tandoe aloes (beschaving; cultuur).

Kadjawi poenika taksih wonten goenanipoen ingkang boten kénging kasepèlèkaken. Inggihi poenika: samangsa para moerid kalantih remen dateng sroewa pèni, bédjingingipoen jèn sampoen bawa pijambak rak ladjeng ingkang dipoensenengi namoeng bekakas-bekakas ingkang èdi, lan ladjeng boten mawi godjag-gadjeg noembas barang waoe, sanadjana radi awis sakedik. Ing woosana pesambat kados ing nginggil waoe: „Boten padjeng,” saged itjal; malah tjang - tjang ingkang damel bekakas oetawi sembet-sem-bet, saged kapeka damela kanti goemati-ngati-ati, tjekakipoen olah goena-krida sajektos. Poenapa poenika boten mikantoeiki sanget?

Klilana taksih njéntang sakedik malih. Manoet pamanggihipoen Njonjah Resink - Wilkens: goena-krida sanès, oegeripoen kanti pinikir.

Lah, poenika kados tjotjog kalijan toedjoening goena-krida. Goena-krida kedah notjogi dateng kabetahan-ing ngagesang lan dateng raos-raos. Sebab poenapa ta dipoenwastani

„goena”, menawi boten ngedalikan bekakas - bekakas oetawi sembet-sem-bet, ingkang anggoenani oetawi moerakabi? Lan sebab poenapa dipoenwastani „krida”, menawi boten soeka kemareman dateng raos-raosing manah ingkang kepéngin dateng saé?

„Goena.” Gesang ing manoengsa poenika manoeit djamani; djamani santon, gesangipoen inggihi santon; lan kabetahanipoen ladjeng inggihi gèsèh kalijan waoenipoen. Sarèhning „goena” waoe kedah tjotjog kalijan kabetahaning ngagesang, dados „goena” inggihi kedah toemoet wolak-waliking djamani.

Inggang poenika „goena” waoe kedah anggadhahi paningal wijar, lan manah ageng toer kendel lan bandel. „Paningal wijar”: soepados nganglang njoemerepi, poenapa ingkang dados kabetahanipoen djamani sapoenika. „Manah ageng toer kendel lan bandel.” soepados poeroen njakep lan noeloengi kabetahan waoe. Nanging kabetahan poenika asring énggal, ingkang roemijiniipoen dèrèng naté ngetingal. Jèn makaten „goena” kedah gadah tékad kendel: boten adjiri lan minggrang-minggring jasa bekakas oetawi barang énggal, tjotjog kalijan kabetahan énggal, srana noelad dateng kanan - kéring oetawi ada - ada pijambak. Tékad kendel: boten adjiri, manawi keplèsèt. „Lan bandel”: jèn wonten keplèsètipoen, ladjeng njat ngadeg malih lan ne-roesaken lampah. Tegesipoen: manawi akal-akalipoen sapisanan dèrèng maremakan, sampoen ladjeng medot mopo, nanging akal-akal malih kanti ngoedi sagedipoen maremakan, krana ngleresaken lepatipoen lan nambahi kekiranipoen ingkang sampoen.

Watek kendel lan bandel waoe boten namoeng soepados poeroen noelad lan ngladjengaken ada-ada, nanging oegi soepados wantoen medot jasa barang ingkang sampoen boten tjotjog kalijan kabetahan. Oepaminipoen: ing satoenggil dinten (poenika namoeng oepamèn, lo!) sampoen boten wonten tjang malih ingkang anggantèn. Poenapa boten nama ngetjèh-etjèh wekdal lan ambebètjèr pendamelan, jèn goena - krida taksih toeros ngedalikan gantènan-gantènan, sanadjana sampoen boten perloe? Goena-krida ingkang èngget alamipoen boten badé amadeg dados Museum. Kadjengipoen, para seneng keklempak nglempakaken barang tanpa tandja waoe, nanging goena-krida ingkang soemerep dateng alamipoen mesti tansah mingset, ngetoetaken djamani: boten ndoewa dateng énggal-énggalan lan boten anggèndoli sanget-sanget dateng barang kina ingkang sampoen tanpa tandja.

Namoeng kémawon sadaja waoe kedah katoempangan poen „krida.” Inggihi „krida” poenika ingkang badé moerogaken gèsèhing pandamelanipoen sabangsa kalijan pandamelanipoen bangsa sanès. Poenapa pandjenengan dèrèng naté nanding tjangkir Djepan kalijan tjangkir Éropah? Poenapa boten pirsu bédanipoen? Lah, saking poendi bédanipoen waoe? Poenika kabekta saking poen „krida.” „Krida Djepan” bédal kalijan „krida Éropah.”

Makaten oegi, manawi goena-krida Djawi badé jasa poenapa - poenapa ingkang kénging kawastanan Djawi toelèn, barang-barang kedah boten namoeng tjotjog kalijan kabetahan, nanging kedah oegi marem-aken, ngesrekaken raos Djawi; liripoen: sadaja waoe kedah alaras Djawi, atjéngkok Djawi, atjakrik Djawi. (Jav. stijl en smaak).

Inggang poenika kados boten wonten alanganipoen, manawi jasa oepaminipoen pola énggal, kadosta: kapal api, kanggé adeg-adeging pola, oegeripoen kapal api waoe ginambara kanti tjéngkok Djawi, toer boten saged damel kisroehing penjawang, manawi sindjang bédjingingipoen kaanggè.

Jèn makaten kados inggihi oegi boten wonten pakèwedipoen, manawi

noelad dedamel (werktuig) oetawi malih techniekipoen bangsa sanès; awit poenika rak namoeng badé ang-gampilaken lampahing goena - krida lan mijaraken djadjahanipoen; dados boten badé medjahi, nanging malah moelang.

\* \* \*  
(badé kasambet).

## PRADJA RAHAJOE.

### INGKANG KAGOENGAN WADJIB MOEGI MANGGALIHA!

Wonten ing Sw. T. no. 36 tg. 5 Spt. sd. Singgih ngendikakaken bab rékanipoen tjang pados arta, lan ing salebeting oréjan ngrikoe wonten tetempoenganipoen ingkang moengal arta tjok. Gandèng lan temb. arta tjok, ing ngriki koela badé matoer saperloenipoen.

Sampoen antawis dangoe ing doesoen Ngemplak kl. Plasa, onderdistrik Ngloewar (Salam) rintendaloes tansah ramé tjampoeing botoh main saking poendi - poendi panggénan. Déné ingkang ngagengi langkoeng-langkoeng saking Bligo sakiwawengipoen. Lan ingkang dateng poenika boten ngemoengaken botoh djalar kémawon, ingkang èstri wonten oegi. Manoeit pamirenging panjerat, botoh èstri waoe ingkang temtoe mbratoe poenapa gadahan-ing botoh ingkang kawon. Lan toemindaking ngabotohan mekaten poenika boten wonten salebeting pedjagongan; tegesipoen boten teka wonten papaning tjang gadah damel oetawi tjang bajèn; tetep pantji ngedegaken pakempalan permainan. Déné ingkang dados toedjoenipoen ngedegaken permainan waoe: 1e saged tansah kekempalan lan kantjarkantja botoh, lan 2e saged mendet kaontoengan saking arta tjok kados ingkang dipoenngendikakaken sd. Sg. ing Sw. T. kasebat nginggil.

Permainan ing ngrikoe boten namoeng nganggè kertos kémawon, dade poenapa oegi ramé. Tjekakipoen manoeit kasenenganing botoh. Saking naméning permainan ngantos saged ndatengaken bakoei tetedan werni-werni, wonten bakmi, tahoe, ès, sekoel sanèsipoen teksih wonten malih.

Namoeng ingkang koela goemoeni poenika, ingkang wadjib ing ngrikoe teka anggenipoen ngendelaken kémawon. Poenapa mergi dèrèng priksa? Ah, genah mokal, tjang saben dinten ngadep teka boten priksa. Lah, poenapa mergi boten mangertos jèn ingkang mekaten poenika saged noewoehaken reresah werni - werni, kados déné tjolongpendet, kerengan lan sesaminipoen! Jèn mekatena kados kok inggihi boten! Ladjeng poenapa sebabipoen dipoenkèndelaken kémawon? Poenapa mergi adjiri? Koewatos jèn ladjeng dipoenbentèri? Sadjak - sadjakipoen teka inggihi mekaten. Namoeit jèn njata mekaten, poenapa boten nama saroe poenika? Gèk ladjeng perloenipoen poenapa pinilih dados sesepoeing padoesoenan ngrikoe, jèn élik - élik pendamel ingkang tjalon damel resah dipondamel adjiri. Wondéné jèn anggenipoen ngendelaken kémawon poenika mila pantji dèrèng ngertos, ing riki koela soeka soemerap, lan moegi énggal kapriksa saha kabibarna, moempoeng tjara tetanemanipoen dèrèng ngantos medal ojodipoen ladjer.

koela: P. Ragil.

## ECONOMIE.

### JÈN KAPAÈLOE, SAÉ PAÉ-DAHIPOEN.

Ing onderdistrict-onderdistrict tana Djawi sampoen katah bank-doesoen, andadosaken kamajarani-poen kaoem tani, nanging oegi tak-sih katah onderan ingkang dèrèng wonten bank-ipoen doesoen. Bank-doesoen katah sanget padahipoen dateng sadèrèk doesoen, sabab sawantji-wantji tjang - tjang waoe be-

tah jatra 5, 6, 7 roepijah agengipoen 10 roepijah saged énggal angsal-pitoeloengan njamboet ing bank kaseboet, boten sisah nganggè tang-gelan balé-pémahan, sabin lan sanèsipoen, boten sisah tebih-tebih dateng kita dateng afdeelingsbank ingkang mawi tanggulan langkoeng saking moerwat. Pramila kadjarag langkoeng saking moerwat awit ing ngatasipoen tjang gadah sabin pengaos f 700 grija sapakawisan (= erf) kaksir andap f 600 toer tjang waoe taksih gadah blandja saben woelanipoen f 50, njamboet afdeelingsbank namoeng f 200, éwasamanten meksa boten saged maremakan manahing tjang ingkang njamboet; tjeketik dipoen samboeti f 100, sabakdanipoen sadaja tanggulan kaksir Mantri-bank langkoeng saking f 1000,— (Zegge: Duizend gulden meer), mangké dangoe-dangoe gèk dipoen-parabi afd. bank dagang — harak tjoeaamaaah, toean!

Sapoenika mangsoeli bank - doesoen, jèn saben onderdistrict satanah Djawi sampoen wonten bank-ipoen, méndah saénipoen . . . ! Onderdistrict panggénan koela dèrèng wonten bank makaten waoe, mila sambatipoen kawoela alit padoesoenan ngantos nandes - ngeres roema-soek baloeng soengsoem, tjang-tjang katah ingkang sami kekiranangan réka margi namoeng betah jatra sakedik. Sarèhning sadèrèk doesoen betahipoen sakedik 3 roepijah njengkanipoen 5 roepijah, mangka njamboet dateng bank - doesoen boten wonten, dateng bank-ageng alias afd. bank tebih toer asring kémawon boten saged maremakan, gèk betahipoen namoeng sakedik, dados kapeksa nabrak tjang Arab lan Singgèk ingkang boten sakedik anaknipoen, sarta malih roemaosipoen tjang - tjang doesoen étja kémawon waton saged angsal samboetan . . . . Adoeh kasihan, sajang saudara!!!

Sanèsipoen poenika taksih katah akalipoen woekers ing padoesoenan, langkoeng? bangsa Arab anggenipoen noeloeng pentoeng sadèrèk doesoen; tjobi kagaliha pandjang! Soeta nalem kadelé, djagoeng, katjangbol, sata dèrèng wantjiniipoen ngoendoeh, kapeksa betah jatra sakedik 2 roepijah agengipoen 5 roepijah, ladjeng kémawon poen Soeta ndjoedjoeg grijanipoen tjang Arab perloe njamboet jatra betahipoen of tawi njadé tanemanipoen katjang, sata, kadelé ingkang taksih nèm, bab regi sapad-jeng - padjengipoen, ingkang sampoen koela jakinaken ngenoet ingkang gadah jatra, sadangoenipoen anggenipoen ngregèni ratjak katoembas mirah-mirahan. Pantjènipoen manawi taneman waoe kasadé sepoeh, sampoen wantji ngoendoeh pepadanganipoen saged tikèl 2 1/2, jèn kleresan tikèl 3 oetawi sekawani-poen katimbang kasadé taksih nèm; dados tjeta bilih tjang - tjang doesoen poenika waoe kaentir goeloenipoen alias kapentoeng tjengeli-poen of katoeloeng pentoeng déning tjang Arab.

Minangka panoetoep moegi-moegi pangagenging onderdistrict - onderdistrict kersaa nggalihi ngawontenaken bank - bank doesoen ingkang dèrèng wonten, soepados saged majaraken tetijang doesoen bawahipoen.

P. Brata.

### „DONGÈNG.”

Kaseboet ing Swara Tama no. 39, koela andongèngaken lèlampahan koela pijambak, prakawis kawontenipoen Administratie koela, wiwit koela njamboet damel saéngga sapriki. Poenika sampoen temtoe kémawon dados gegoedjenganipoen para maos. Ananging toemrapping koela, poenika boten dados poenapa, watonipoen dongèng koela waoe dados penggalihanipoen para pri-jantoen ingkang anggenipoen ngoe-bedaken administratie ngidèmi kalijan lèlampahan koela.

Nembé poenika, koela sinandjangan memitrana koela nama Sm. njarijsaken manawi pijambakipoen oegi mentas maos Swara Tama no. 39 preka-



Saladjengipoen Nagari noenten kasamèk-samèkaken kalijan Pas. Soetji.

1e. Menggahing asalipoen, nadyan kalih pisan poenika sami saking Allah, nanging meksa wonten bédanipoen. Negari makaten (inggang wontenipoen karana: manoesngsa kinodrat kedah gesang sesarengan) pinanganipoen saking Allah krana lantaran (mediate a Deo). Pas. Soetji poenika asalipoen saking Allah tanpa warana (immediate a Deo), sabab inggang jasa Goesti pribadi, tanpa lantaran tijang.

2e. Kalestantoenanipoen (de duurzaamheid) Negari goemantoeng dateng kabetahanipoen manoesngsa, inggang sampoen tjoemitak wonten ing kodratipoen. Wangsoel P.S. mitoeroet pradjangdjianipoen Goesti, „usque ad Consummationem saeculi” ngantos saboedjading djaman. Sarta agengipoen, mengkoe sadajaning bangsa, katjeta dawoeh Dalem: „euntes docete omnes gentes” Loengaa lan sakabèhing bangsa woe-langana!”

3e. Menggahing pangwasa, inggih leres pangwasaning Nagari poenika asal saking Allah; nanging saladjengipoen katata manoe kadjeng lan pandamelipoen tijang, (mediate a Deo). Bèda lan pangwasa sàle-beting Pas. S. poenika teroesan saking Allah (immediate a Deo). Toemrapping woedjoedipoen oegi sampoen katemtokaken. Nadyan inggang ngembali pangwasa katemtokaken déning pamilihipoen tijang, nanging toemrap pangwasanipoen pijambak sampoen boten kénging kawéwah-éwah menggahing woedjoed, ageng lan s.s.

Ing riki Djoeroe sabda ladjeng ngrembag: toedjoening Negari. Moerih terangipoen Djoeroe sabda ngrembag toedjoening Pas. Soetji roemijin, i. p. *adepto salutis aeternae*, ngangsalaken kawiloedjengan langgeng, poenika paking toedjoe (laatste doel), déné toedjoe inggang adakan (naaste doel): „Hominum sanctificatio in hoc vita”, noetjèkaken tijang gesang poenika, sabab Pas. S. ngadjengaken pakarjanipoen Goesti rawoeh ing boemi. Nadyan P. S. poenika pokokipoen meleng kaswargan, éwadené saking pangandikanipoen kg. St. Rama Leo XIII, P. S. oegi ngadjengaken barang kadonjan ageng sanget, ngantos oepami P. S. poenika madegipoen namoeng mligi ndjanga barang rohani tok, pikantoeipoen boten badé langkoeng ageng tinimbang kalijan sapoenika poenika. Sapoenika poenapa toedjoening Nagari? Ngangsalaken algemeen welzijn (kawiloedjengan oemoem). Poenapa tegesipoen bonum Commune oetawi algemeen welzijn poenika? Mitoeroet piwoelang Katholiek poenika boten namoeng ateges barang kadonjan, nanging oegi barang kasoeckman. (Zedelijke goederen).

Langkoeng<sup>2</sup> ing babagan „Zedelijke taak” poenika Nagari kabantoe P. S. Pambantoeipoen inggang nomer satoenggal i. p. anggenipoen P. S. maringi morele grondslag dateng wontenipoen pangowaos ing dalem Negari sarta anggenipoen ngadjengaken goede zeden (*laksita darma*). Ing Encycl. „Libertas” prakawis poenika dipoen-genah-genahaken sanget. (oep: itjalipoen réntjang toembasan, wontenipoen de recht-gelijkheid lan de ware broederschap onder alle menschen). Ageng sanget dajanipoen P. S. ing babagan cultuur, kunst en wetenschap, tjekakipoen babagan beschaving.

Negari sampoen kabantoe dateng P. S. Kosok-wangsoelipoen Negari oegi kedah mbantoe P. S. moerih gampiling katjepengipoen toedjoe.

Pambantoe waoe, saking pangandikanipoen kg. St. Rama Leo XIII, langkoeng<sup>2</sup> Negari kedah ngakeni kasoetjian lan kamogananing agami, inggang dados tetalining manoesngsa kalijan Allah. Dados manoesngsa poenika kapasrahaken dateng pangowaos kalih warni, P. S. kalijan Negari. P. S. kanggé ndjanga barang rohani, Nagari kanggé ngoedi prakawis djasmani.

Nitik poenika Negari lan P. S. poenika gegandengan raket sanget, kados sadèrèk toenggil jajah réna. Boten teka djadjahanipoen pangowaos kekalih waoe wor-soeh makaten; kalih-kalihipoen sami pilah<sup>2</sup>, kawatesan dateng kodrat lan toedjoenipoen inggang adakan pijambak<sup>2</sup>. Ing wewengkonipoen pijambak<sup>2</sup>, satoenggil-toenggiling pangowaos waoe sami mandirèng pribadi.

Babagan poenika preloe sanget gandèng lan wontenipoen vraagstuk, de verhouding van Kerk en Staat. Prakawis poenika wontenipoen (t kernpunt) langkoeng<sup>2</sup> doemoengeng wonten ing bédanipoen toedjoe waoe.

Kanggé Nagari, toedjoe inggang adakan: ngadjengaken kadonjanipoen manoesngsa. Toemrap P. S. maksoedipoen inggang adakan: noetjèkaken tijang. Nanging kalih-kalihipoen, lenging poengkasanipoen sami, i. p. ngarah Goesti Allah. Mila Nagari lan P. S. kedah samenwerken (= toeloeng-tinoeloeng). Wonteng toeloeng-tinoeloeng waoe mitoeroet piwoelang Katholiek perloe sanget, kados wontenipoen djiwa lan raga. Mila tijang Katholiek poenika prinsipieel anti kalijan scheiding Kerk en Staat; sarta inggang rinoengkeban (standpuntipoen): toeloeng-tinoeloeng (samenwerking), karana actionum concordia et mutatione officiorum, door eendrachtig handelen en wederkerige dienstvaardigheid, kados oengeling Encycl. Libertas. Sapinten wewengipoen satoenggil-toenggiling pangowaos waoe ing dalem prakawis inggang gegajoetan, poenika tijang kedah ngengak poendi toedjoenipoen inggang adakan (t naaste doel) satoenggil-toenggiling pangowaos waoe. Prakawis inggang panggenan inggang prinsipieel grondslag waoe botea saged toemindak, P. S. ladjeng pados margi sanès, sarana Compromis, poenika boten ateges njélaki beginsel inggang medal saking piwoelangipoen.

Nitik toedjoenipoen Negari, ndjanga kawiloedjengan oemoem, inggang oegi ateges, kawiloedjenganing kasoekman, poenika tjeta sanget, bilih Nagari makaten kedah ngakeni wontenipoen Allah lan Agami. Mila dawoeh dalem kg. St. Rama Leo XIII ing Encycl. „Immortale Dei”: „De natuur en de rede, die de afzonderlijke personen gebiedt God heilig en vroom te dienen, omdat wij in zijn macht zijn en wij, van Hem uitgegaan, tot Hem moeten terugkeeren, bindt ook door eenzelfde wet de burgerlijke gemeenschap. De mensch toch, in een maatschappij vereenigd, zijn niet minder in Gods macht dan de afzonderlijke personen, en de maatschappij is aan God geen geringeren dank verschuldigd dan de enkelingen.” Lan ing dalem Encycl. „Immortale Dei”: „Civitates non possunt, citra scelus, gerere se tanquam si Deus omnino non esset.” Tanpa kénging wewelak, Nagari poenika boten saged atradjang kadosdéné boten wonten Allah babar pisan. Doemoegi samanten sesorahipoen sad. Dwidjaoesana, inggang pantes koela atoreraken ngriki.

Verslaggever C. C. Solo  
Gampang.

wis dongèng koela kaseboet. Ing ngriki kaparenga koela nirokaken sakedik omong-omongan koela kalijan memitrnan koela Sm. waoe, tjekak aos makaten: (Njowoen pangapoenten para maos, ing ngriki koela serat ngoko, amargi omong-omongan koela waoe oegi ngokongkonan).

Sm. Sliramoe koewi pantjèn loetjoe tenan.

Sg. Lo, loetjoe kaprijé ta! apa akoe ki ngloetjoni?

Sm. Ija bener ora nglotjoni, nanging olehmoe nganèh-anèhi koewi; hlawong ngritig kok ngritig awaké déwé, sadjegkoe seneng matja koran, lagi toemon sliramoe tok, ambok ija ngritig ing lijan, hlawong ing kéné ija pantjèn ora koerang baé kok; anggeré moeng sabeneré rak ija ora dadi ngapa, malah jèn ngroemangsani, bisa marèni, wekasani bisa kepénak oeripé, rak ija dienggo-eriggo déwé.

Sg. Hla ija bener, oepama akoe ngandakaké lelakoné si Soeta, si Naja, si Dadap, si Waroe, toer

ngandakaké sing sabeneré, hara, mengko rak dadi soelaja, akoe bandjoer dianggep menghina, woosanane dadi ramé. Tjoba pikiren toeladane wong kaé, jèn ndak kritig mesti moering-moering; kaé bijèn bajarané f30—sasasi bisa tjoekeop amarga apa-apa moeng trima saanané, saiki bareng bajarané f50—sasasi kaanané sami-mawon, malah sambaté rada nemen saiki, djalarané apa! ora lija ija moeng angger moendak blandja, ija moendak karep paribasane: „gedegèn empjak koerang tjagak” wekasani, malah ngranoehi. Moelané kaja akoe iki bareng woes roemangsana kedjeglong ngarep, ndak pikir-pikir ora ana paédahé wong anggak-anggakan.

Sm. Ija, prakara anggak-anggakan ing kéné baé pantjèn ija ora koerang, tandané jèn ngarepaké dina bajaran, koerang sadina rong dina baé kantiakoe déwé woes pada kekes. Hla malah koewi tjarik timbang teboe ing kéné dik M. hlawong njamboet gawé tijdelijk baé, bisa ngétjé akoe, toer omah

tangga karo akoe.

Sg. Ngétjé kaprijé?

Sm. Déwèké rerasanan mangkéné: sanadjana akoe moeng njamboet gawé tijdelijk, kaanankoe mangsa kalaha karo sing njamboet gawé vaste.

Sg. Aah mongsok ta, hlawong setaoné moeng njamboet gawé limang (5) sasi kok bisa ngétjé karo sing njamboet gawé teroesan, wah mangka bajarmoe menang akèh.

Sm. Loo! Tenan! ning sing di-endel-endelaké anggoné golèk pasoe-gihan, golèk pelarisan, amarga bodjoné bakoelan.

Sg. Oo, dadi jèn mangkono déwèké ngawoela sétan.

Sm. Ija.

Sg. Hla seliramoe apa ngandel, jèn sandang pangané maesaka anggoné golèk pasoe-gihan?

Sm. Ija ngandel baé, tandané kaanané ing kono, pamèrè nobat-nobataké.

Sg. Mesti baé, hlawong bodjoné bakoelan, dadi sangkané sandang pangan maos ora saka anggoné golèk pasoe-gihan, nanging saka anggoné bebakoelan. Manawa seliramoe ora ngandel, njobaa, sadina golèka pasoe-gihan ping pitoe apa ping pira, ning seliramoe sekaroné ngangoera (adja bakoelan) mengko rak ora éntoek barang-barang. Wis ah, adja diteroesaké, hla kok kedawa-dawa ngremboeg wong ngawoela sétan; omong lijané baé.

Sm. mBalèni omong bab dongèng-moe baé.

Sg. mBalèni kaprijé?

Sm. Akoe bijèn sadoeroengé njamboet gawé njang kéné, wis taoe njamboet gawé njang boschwezen, blandjakoe loewih akèh tinimbang njang kéné, ning lelakonmoe ija pada karo lelakonmoe, saben abis boelan koewi angger arep rékareka njèlengi, ora bisa klakon-klakon. Nganti akoe déwé dak

## VAN LITH-STICHTING

SOEMANGGA  
SAMI DADOS  
CONTRIBUTANT  
V. L. S.

Penningmeester V.L.S.  
p/a 2e. Convict  
Moetilan N. I. S.

peksa déwé koedoe njèlengi; ija bandjoer klakon njèlengi, nanging lebar njèlengi let ± 10 dina ndak djoepeok manèh; abis boelan dak isèni manèh, ija ora antara dina didjoepeok manèh, pèndèké angger njèlengi, let dina ija didjoepeok, soewé-soewé nganti akoe bosen njèlengi, moeng saldo saroe-pijah. Bareng akoe lèrèn saka panggawéjan, nganti nganggoer sawatara sasi, ija moeng nihil dridji tok.

Prakara koewi pantjèn moeng saka nijat, kaantepané nijat moeng milih salah sidji, ndadi apa mari.

Sm. Ija pantjèn ngono; saikiné bareng seliramoe saowisé ngroemangsani kedjeglong ngarep maos kaprijé?

Sg. Saikiné ija bakal dak ati-ati, adja nganti kaja lelakon sing oewis-oewis, amarga saiki para djempolaning pakoempoelan-pakoempoelan akèh sing pada ngoedi „Merdika,” mangka saka panemoekoe oerip merdika maos koedoe ngango sangoe pawitan, moelané saiki koedoe andandani economie disik, perloené ing mbèsoek manawa bisa merdika bisa merdika tenan, hla sing tenan merdikané, kosok-baliné jèn economie isih morat-marit arep merdika, merdika-kepriponen mandoblang, arep bakoel ora doewé doewit, arep dadi tani ija koedoe ngango doewit, dadi kabèh kabèh koedoe ngango doewit, apa manèh jèn pinoedjoe kasoesahan, jèn ora doewé doewit, rak ija tambah soesabé.

Kadjaba saka ikoe, kita koedoe ngroemangsani jèn dadi kaom boeroeh (toekang golèk doewit), ndak adja nganti rojal-rojal angotokaké doewit sing tanpa perloe.

Sm. Oo, ija koedoe mangkono, amarga sing toekang awèh doewit (werkgever) baé, ngati-ati banget anggoné ngetokaké doewit, apa manèh djaman malaise iki, poenggawa-poenggawa akèh sing dilongi, bajaran-bajaran akèh sing disoeda.

Sg. Hla, hla, saiki jèn poenggawa

Maos seratipoen sad. B. Soegija ing Sw. T. No. 39, koela kapeksa badé nglahiraken poenapa inggang dados kandoetan koela: Inggih poenika boten sanès namoeng kagèting manah, goemoen lan éman, awit boten nginten jèn sadèrèk koela satrija Kath. namoeng semanten kasatrijanipoen.

Ing batos tansah memoedji: mbok adja njata, awit koela inggih toemoet wirang jèn sadèrèk koela badé ngesoraken lénggahipoen, margi saking anggenipoen boten netepi kasatrijanipoen.

Sinten ta W.K. poenika, rak sadèrèk kita pijambak, sadèrèk èstri inggang pantes dipoenajomi jèn

wonten bebaja — pantes dipoen-srengeni jèn gadah tindak kang tan prajogi. Poenika tandanipoen katresnan sedjati.

Gotrah Kath. poeta-poetri, nge-tingalna katresnan kita dateng sesami, menggaliha dateng kawonten-aning W. K. oegi, awit awon saé kita sadaja toemoet njanggi. Wasana bab pedjah — gesang — adjeng — oenderipoen kantoen soemangga sadèrèk Kath. sadaja. Namong poenika atoe koela lan panoeuwen koela bab inggang kawedar sad. B. Soegija, sampoen ngantos dipoen-kaping kalih, want ik heb mijn broeders steeds hooger geschat.

C. H.

## PRIMBON NATIONAL.

### PRAKAWIS AGAMI.....

Dr. Soekiman, djempolan P.S.I.I., petjroh kalijan Dr. Soetama goe-goengeng Studieclub, pangarsa P. P. K. I.

Poenapa sehabipoen? Margi,.... ing s. k. *Swara Oemoem*, inggang dipoenkemoedèni golongan Studieclub, ngewrat artikel „Bédanipoen Digoel kalijan Mekah.”

Koela boten perloe mratélakaken, kados-poendi artikel waoe. Nanging perloe pandjenengan tjatet: Karangan poenika tinampi *njertaken* déning golongan Islam. Katah tjabang-tjabang P. S. I. I. inggang nglahiraken boten narimahing manahipoen. Ngantos kelampahan, (— kados inggang sampoen naté kawatrosaken ing Sw. T. ngriki —), golongan Islam ngawontenaken openbare vergadering, nantang golongan *Swara Oemoem*. Nanging péhak Swara Oemoem boten poeroen dateng.

Doemoegi sapriki pasoe-lajan waoe dèrèng wonten mendanipoen. Malah saged oegi taksih wonten boentoetipoen nglawèr pandjang.

Koela pantjèn boten nijat tjawé-tjawé kalijan pasoe-lajan poenika.

Ananging, sasampoenipoen njomerepi kawontenan makaten, anetepi wadjibing journalist, koela namoeng soeka tjatetan dateng pandjenengan sadaja: „... *Prakara Agama, prakara kabatinan, koewi pantjèn prakara gawat. Nèk ditjetamah, diala - ala, dièrang - èrang, bisa kelakon noe-woehaké kedadéan sing ora betjik.*”

Koela mangertos, ing Mataram wonten koran Islam, inggang sabab medal dalem rubrik ngawon-awon Agami Kristen (Katholiek lan Protestant).

Sapoenika, ing Indonesia wonten kedadosan pasoe-lajan prakawis Islam kalijan Digoel. Golongan Islam mrekitik, margi roemaos dipoentjatjamah kaantepanipoen.

dibezuinig, mengko economie-né ketanggor sing isih morat-morit kaja akoe iki, harak ija sida kepriponen.

Sm. Hija wis ta, wis rada bengi, akoe lilanana moeli.

Sigeg samanten djalaran memitrnan koela waoe ladjeng pamitan man-toek.

Koela laré doesoen  
Kedoengbantèng  
SINGGIIH.

## VARIA

### NJAMBETI SATEMBOENG-KALIH TEMBOENG.

Ing Sw. Tm. no. 37 dipoentjrijosaken: „*Poetri Klatèn woengoe saré*”. Inggih poenika inggang badé koela sambeti sakedik-kalih kedik. Koela bingah sanget, déné ing Klatèn oegi sampoen wonten pakempalan para wanita.

Sapisan malih pamaos koela dateng karangan poenika, awit badé ngertos saèstoe toedjoening pakempalan. Katjrijosaken bilih wonten ing pak. ngrembag oegi bab „majoe” oetawi „wajoe”.

Wah sokoer sanget, déné wonten pangrembag prakawis poenika.

Awit bab „majoe” oetawi „wajoe” kerep sanget toemindak toemrapping para sadèrèk sanèsipoen inggang dèrèng ngertos dateng agami kita. Sarta oepami koela jektosi inggang saèstoe, ing „Oms Klatèn” taksih kaja inggang samsi nindakaken. Matoer noewoen dateng „Tjip-ta Wanita”.

Pangadjeng-adjeng koela, moegi para sadèrèk inggang sanès prijan-toen kénginga nramboel pak. poenika. Dados boten ngmoengaken pri-jantoen kémawon.

Sapoenika koela tjiloelok, pandjenengan para prijantoen Kath. ing Kl. inggang sampoen kaseboet djembar

Amila, manawi tetijang ing serat kabar Islam waoe *gadah kama-noengsan*, sasampoenipoen ngalami lalampahan sagedagan poenika, mesti ladjeng gadah tepa salira. Ladjeng saged nepakaken: dadi nèk akoe nindakaké kaja ngana kaé, ngalala Agama Kristen, wong-wong Kristen ja mrekitik.....

Awasi! Sinten inggang boten poeroen dipoenprekitikaken, kedah boten mrekitikaken manahipoen sanès!

Pitoetoer koela dateng pandjenengan sadaja: „Akoe bisa propaganda Agamakoe tanpa ngala-ala poepoedèné wong lija. Toko sing arep djor-djoran, tjara satrijané, koedoe ngapikaké barang! Ora perloe ngèlèk-èlèk barangé toko lija; nèk nganti kaja mangkono, asor!

Manawi pandjenengan mranggoeli koranipoen bangsa ngriki pijambak, ngawon-awon Agami Katholiek, weling koela: „..... *Soewèk - soewèken koran maos. Adja kowatja. Saroe! Padakna karo asoe djoe-goeg baé!*”

Ihtekading manah kita: kedah namoeng njamboet damel kanggé perloening Pangéran lan siti kalahiran. Kita kedah *teroes* njamboet damel! Sampoen ngrèwès pandjegoging segawon! Mindak toewas ora kasembadan perloené, bati awaké ketjatek. Enget babasan Walandi: „Blaffende honden bijten niet.” oet.: „*Briga-brigi ora anggetihi.*”

Tjekak: „*Kita saged propaganda Agami kita; kita saged andjembar-aken Kraton Dalem Sri Jésoes,.... tanpa mawi dadamel ngawon-awon, njenjamah kaantepaning sanès! Ti-jang katah badé nitosi pijambak!*”

Sinten inggang toenggil pamanggih kalijan koela, kénging mèngeti primbon koela poenika!

Mataram 27 September '30.

Taklim koela: A. S. D.

kawrohipoen, poenapa ladjeng kèndel kémawon? Mangka sampoen pirsas dateng pak. Tjip-ta Wanita, saha sampoen midanget poenapa inggang sami karembag. O, ing Kl. temtoe saged kelampahan wonten pakempalan wanita, djer ing Kl. kaja sadèrèk wanita. Sinten ta inggang ada-ada roemijin manawi boten inggang nginggil? Sadèrèk wanita sanèsipoen inggang dèrèng patos ngertos, masti boten nggagas dateng bab poenika. Babar pisan boten. Awit roemaos alit, dèrèng katjonggah nggajoe inggang inggil.

Tjebi menggah pandjenengan mirsani ngidoel dateng Ngajodja, sampoen wonten W. K. (Wanita Kath.) Malah sampoen ndados. Mirsani ngalèr dateng Solo, inggih wonten. Déné jèn pandjenengan ngertos ing tanah Djawi ngriki, pinten kémawon katahing pakempalan wanita. Jèn ngaten poenapa pandjenengan boten badé menggali, boten ngedjokaken dateng sadèrèk kita ing Kl.? Samangsa ing Kl. wonten pak. W. K. temtoe sekétja toemindaking gesang ing pakempalan, toer malih ngindakaken pitepangan, sarta sadèrèk inggang dèrèng patos ngertos waoe mindak ing seserepanipoen.

Pandjenengan ta sampoen manger-tos manawi pak. W. K. poenika saé sanget pandamelanipoen. Sarehning sampoen katah toeladanipoen, poenapa boten badé toemoet ada-ada? Djandji inggang nginggil marahi, inggang alit temtoe mepeng. Soemangga sami ngadjengaken bangsa kita roemijin, inggih poenika bangsa Kath. Lah bédjeng jèn sadèrèk kita pijambak sampoen madjeng, noenten sami sesarengan mitoeloengi sanès. Sampoen poenika roemijin.

Ing wasana sanget ing pangadjeng-adjeng koela, moegi énggal kaleksanana ing Kl. wonten pak. W. K. Koela wanita Klatèn ing Soerabaja.

8/9-'30



# O E R A P - S A R I

(PETIKAN SERAT - SERAT KABAR SANÈS)

## KABAR KATHOLIEK.

### Retrèt Moentilan.

Retrèt ing Moentilan ingkang kapengker poenika, ingkang ndèrèk wonten prijantone 66.

### P. Soekiman santone asma.

Kita pikantoe pawartos, pandjenenganipoen Rama Pastoe Soekiman, sapoenika santone asma Prawirapratama.

### Ngleresaken.

Kalih minggu kapengker Sw. T. ngewrat pawartos bilih pandjenenganipoen P. de Lange kasangsaran anggenipoen noempak monitor. Poenika boten njata. Leresipoen P. Manesse. Tatoe-tatoenipoen boten wonten ingkang moetawatosi. Njowoen pangaksama!

### Wandawa Katholiek Amerika.

Manoet tjatetan opisijil wedalan taon 1930 ing catholiek Directory, kala taon kapengker poenika, tjatjahipoen tjang Katholiek ing Amerika Sarékat (-Alaska lan poelo-poelo boten kapétang -), langkoeng saking 20 mlijoen. Goenggoeng kempal sapoenika wonten 20.078.202 djiwa (djiwa ing ngrikoe sadaja wonten 12 1/2 mlijoen). Manawi Alaska kalijan Hawai kapétang, djiwa Katholiek waoe wonten 20.112.758.; dados mindak 91.000.

Ing sakoeboekan Katholiek Amerika ngrikoe gadah Kardinal 4, Maha Biskop 12 lan Biskop 102. Tjajahing Imam ing Amerika Sarékat kémawon 26.925. Tjajahing Grédja 18.166, poenika mindak 230, tinimbang kala taon kapengker.

Tjajahing sakolahan seminarie 135, gadah siswa tjalon Pastoe 16.300. Boten kirang saking parochi 7225, ingkang gadah sakolahan pijambak, moeridipoen 2.248.571.

Pamoelangan tengahan lan inggil wonten 962.

Grija pamijara laré lola 329, isi laré lola 51.523.

Tjajahing grija sakit 624, saben dintenipoen ngrimat boten kirang saking 100.000.

Béndjing poenapa wandawa Katholiek bangsa Indonesia noetoeti kamadjenganing sadèrèkipoen ing Amérika??

### M. Soejoed Martasoehardja dados goeroe basa Djawi ing Leiden.

Sadèrèk M. Hubertus Soejoed Martasoehardja, roemijil wedalan Kweeksch. Moentilan, lan inggih sampoen naté dados goeroe basa Djawi ing Kw. S. Moentilan, sarta wasananipoen dados adjunct taal-kundige ing Balé Poestaka, kaangkat dados maha goeroe basa Djawi ing pamoelangan loehoer Leiden. Manoet seratipoen, tindakipoen sadèrèk waoe saking Indonesia béndjing tanggal 22 Oktober. Garwa lan poetranipoen nem sami kabekta. Béndjing tanggal 7 Oktober, pandjenenganipoen dateng Ngajogjakarta, wonten ngriki sawatawis dinten, preloe pamitan kalijan sadèrèk-sadèrèkipoen.

Kita ngatoeri kasoegengan, lan moemoedji wilodjeng.

### Serat kabar minggu.

Ing Batawi badé wonten serat kabar Katholiek minggu mligi kanggé preloenipoen Agami.

### Pindah dateng Wedi.

Saking pèhak ingkang kénging pinitados, koela mireng pawartos bilih sadèrèk I. Kasima Endrawahjana, pangarsa H. B. P. P. K. D. badé pindah dateng sakolahan tani ing Wedi, Klatèn.

Manawi kabar waoe temen, begdjanipoen sadèrèk ing Wedi.

# KABAR OEMOEM INDONESIA.

### Sadèrèk H. O. S. Tjakraaminata.

Manoet tjarijosiopoen A. I. D., kala Minggu 21 September poenika sadèrèk Tjakraaminata, goegoengipoen P. S. I. I., dateng Tjijoeoerog, andatengi grijanipoen kadji Abdoelrahman ing kampoeng Sadamoekti tjaket padoesan Tjimelati, sarta ladjeng badé ngawontenaken saraséjan kalijan warga-warga P. S. I. Ingkang dateng katah sanget, 2 à 3 ewoe. Kala semanten wonten tjang nama Idjo, poenika sampoen ngandoe gèmbolan boten saé toemrap sadèrèk Tjakra. Partijnipoen Idjo katah sanget. Sadèrèk Tjakra kaoendang dipoenoewoeh-oewoeh kaperih medal. Grijanipoen kadji Abdoelrahman dipoenbentoeri sèla. Katjarjos sadèrèk Tjakra ladjeng lolos dateng Paroengkoeda mawi montor. Nanging kasoesoel tjang katah ingkang sami medal margi sidatan ingkang langkoeng tjelak. Wonten Paroengkoeda, paoentoen waoe dipoenpisoeh-pisoehi. Montor ingkang dipointoempaki badé kagloendoengaken dateng djoerang déning tetjatang katah, toedjoenipoen réming montor waoe kentjeng sanget. Kala semanten ladjeng ketoengka datengipoen poelisi, soeka pangajoman dateng sadèrèk Tjakra. ....

Poenapa sebabipoen déné sadèrèk Tjakra dipoenmakatenaken warga-warga P. S. I.?

Inggang mandégani aksi poenika tjang nama Idjo ingkang sampoen gadah manah serik dateng sadèrèk Tjakra. Tetjatang ing ngrikoe poenapa déné warga P. S. I. I., pantjèn katah ingkang groendelan, margi P. S. I. I. saben-saben pados darma saking tetjatang alit, nanging tetjatang waoe boten naté ngrosaken asilipoen.

Kala P. S. I. I. taksih angganda aroem, lan kala H. Tjakra taksih dipoensoeba-soeba saèstoe déning tetjatang alit, tetjatang sami nglempakaken darma kanggé waragadipoen sadèrèk Tjakra minggah kadji. Arta darma kanggé minggah kadji poenika angsal kinten-kinten f 18.000; poeika ingkang loemantar sadèrèk Idjo kémawon wonten f 5.000.

Kala Idjo wonten toetoeapan boewi, neda pitoeloengan dateng H. Tjakra. Nanging sad. Tjakra boten naté poeroen mangoeli. Mangka seratipoen Idjo boten kirang saking kaping kalih dasa. Margi makaten waoe, Idjo ladjeng serik sanget kalijan sadèrèk Tjakra.

*Bintang Timoer* martosaken, bilih sadèrèk Tjakra ngelahaken prakawis kaseboet dateng Biro Inl. Zaken.

### P. G. H. B. lan Volksraad.

Manoet A. I. D., pakempalan P.

G. H. B. oegi kapénging gadah wakil wonten Raad Kawoela.

Inggang dipoenkandidataken: sadèrèk Atik Soewardi, Andaga Wedijkarsaja, toewin Prawiradinata.

### Njalngkoehaken arta 100.000 yen.

*Locomotief* njarijosaken, kala 29 September poelisi Bandoeng njepeng tjang Tionghoa anama Cheng Chung Ngai. Tionghoa poenika waoe sampoen dangoe dados padosan margi njalngkoehaken arta 100.000 yen gadahanipoen satoenggiling bank ing Djepang, i.p. Duitsch Aziatisch Bank, bawah Kobe.

### Tilas Goepernoer dados journalist.

Manoet tjarijosiopoen Aneta, pandjenenganipoen toewan Jasper, tilas goepernoer Ngajogjakarta, béndjing sakésahipoen t. van Meurs hoofdredacteur Java Bode sapoenika, badé anggentosi toewan waoe, margi t. van Meurs sawangsoelipoen saking Nederland boten badé wangsoel dateng Java Bode malih.

### Djaman malaise.

*Darma Kanda* njarijosaken kawontenan Soerakarta: sampoen malih karèt, sindjang, gendis botena medeng, boten saged amboetjal; tjatjak oewos ingkang saben tjang ambetahaken meksa kataman medeng-medengan. Ing wekdal samangké, ing doesoen ngadoesoen soedagar oewos sami andjerit, sabab boten saged njadé daganganipoen. Mirit ingkang sampoen-sampoen wanti ngaten poenika, ing padoesoenan dados redja déning swaraning tjang anggentang, nanging samangké anjep kémawon.

### Konprèsni Boepati.

Béndjing taon 1931 poenika, ingkang Witjaksana badé damel moesawaratan Boepati Djawi Kilèn, Goepernoer Djawi Kilèn poenapa déné para residèn ing koekoeban ngrikoe, perloe angrembag prakawis ingkang magepokan kalijan pangreh pradjatjatang siti.

Konprèsni waoe bokmanawi kémawon dawah wonten woelan Maart 1931.

Prakawis rembag-rembag kapoen-doet soepados loemados sadèrèngipoen tanggal 1 December ngadjeng poenika. (A. I. D.)

### Kaboedidajan dipointoetoe.

Onderneming ing Goenoeng Sindoe, bawah Borneo, djembaripoen 1200 bawo, wiwit 1 Oktober poenika dipointoetoe. Dajaning malaise!!

### Pitoeloenganipoen Tionggok.

Gandèng kalijan kobongan ing Pontianak ingkang andadosaken kapitoenènipoen sadèrèk Tionghoa katah, paréntah Kabangsan anda-

woehaken dateng Ministerie Arta soepados ngadalaken arta 50.000 yen kanggé mitoeoengi tetjatang Tionghoa waoe.

Pamaréntah provincie Kwantung oegi andarmani 50.000 yen. Paréntah provincie Fukien andarmani 20.000 yen. (*Keng Po*).

### Prakawis Chotbah Mesdjid.

Nera martosaken saking Pasoeroewan bilih tjabang Moehammadijah ing kita ngrikoe aneda dateng ingkang wadji, soepados chotbah-chotbah ing salebeting masdjid, mawija basa Djawi, perloenipoen saben tjang sageda mangertos.

Prakawis poenika dipoensemantakaken déning kaboeptèn dateng para wadana toewin ngoelama ing koekoeban ngrikoe.

Sapoenika wonten pawartos, oesoel waoe boten dipointjondongi ngoelama-ngoelama, awit manawi mawi basa Djawi koewatos mbok-bilih tetjatang boten sami ngaosi dateng chotbah.

### Bebaja ing Likasan.

Gandèng kalijan babaja ing Likasan kala 18 Mei, toewan Grondijs satoenggiling sardjana geoloog sampoen ngladosaken palapoeraning paniti-priksanipoen.

Palapoeran waoe mratélakaken:

1. Babaja waoe margi bandjir lahar ingkang doemados déning djoegroeing siti ing Lamping goenoeng Ngebel, kabekta djawah deres.

2. Saged oegi béndjing mangsa djawah saged andjoegroegaken siti malih ingkang ladjeng andjalari wontening lahar-lahar malih.

3. Anjegah wontening djoegroegan siti ingkang saèstoe, angèl sagedipoen. Ewadéné inggih saged ngajomi djiwaning tetjatang toewin kewan ing satjelakipoen, i.p. sarana anjowoengaken doesoen-doesoen ingkang andap. Oetawi, manawi wragadipoen boten kekatahen, doesoen-doesoen waoe kedah dipoen-tanggoeli sèla, sarta ingkang dipoenmakatenaken waoe ingkang ka-roemijnaken prajogi ing doesoen Kalimas. (*Locomotief*).

### SAKING MATARAM.

— Kala Agoestoes, tjatjahing tjang ingkang neda pitoeloengan madosaken pandamelan dateng ing Kantor Pakarjan Ngajogjakarta: Indonesiërs 189, Walandi 49; lan ingkang saged angsal padamelan Indonesiërs 47, Walandi 9. Ing akiring verslag woelan, kantor waoe taksih gadah tjatetan tjatjahipoen tjang neda pandamelan Indonesiërs 942, Tionghoa 26, Walandi 251.

— Tetjatang ing Poerwakini toewin Djajengprawir, saking tarékahipoen sawenèhing sadèrèk, sami tjantjoet nedyangitjalaken grija-grija pasondelan ing kampoeng ngrikoe. Moegi-moegi sageda kaboe.

— Sadèrèk Tédjamartaja, waoenipoen paoentoen kominis ing Ngajogjakarta 24 September tilar donja wonten Digoel.

### Toekang métang djiwa dipoen-lawan.

Toekang métang djiwa bangsa Atjih, nama Brahim Nay ing Sgli, kala nindakaken wadji dipoenlawan bangsa Atjih oemoer 70 taon, nanging wilodjeng boten tatoe awrat, Tjajeng sepoeh waoe kala katjeng. boten mratélakaken sebabipoen toemindak makaten.

### Pelikan andjebloeg.

Kala 25 Sept. kinten-kinten djam 3 éndjing, ing pamelikan Poeloe Laoet wonten djebloegan gas, margi kala samanten wonten tjang oedoe.

Tjatang ingkang kataton wonten sadasa, ingkang nem sanget, sarta ingkang sekawan keladjeng pedjah.

### Post oedara Nederland — Indonesia.

#### Pranatan opisijil.

Wiwit 25 September, post oedara Nederland — Indonesia, dipoenajati malih. Saladjengipoen montor maboer *K. L. M.*, pangkatipoen saking Amsterdam 2 Oktober, 6 Oktober, 30 Oktober enz., datengipoen wonten Medan tanggal 5 Oktober, 12 Oktober, 26 Oktober, 9 November, enz., ladjeng dinten tjandakipoen toemoegi ing Palémbang, Betawi toewin Bandoeng.

Wangsoelipoen saking ngriki: bidalipoen saking Bandoeng: 17 Oktober, 31 Oktober, 14 November enz. Dintenipoen ingkang kapisan ingkang dipoenambah Bandoeng — Weltevreden — Palémbang — Medan. Pangkatipoen saking Medan dinten Setoe. Pangkatipoen saking Nederland mriki, oetawi saking Indonesia dateng Nederland kaangkah-angkah sageda 12 dinten.

Ing margi Bandoeng, Weltevreden, Palémbang, Medan (késah wangsoel) oegi ambekta bektan serat-serat post kanggé salebeting nagari (binnenland) Waragadipoen kaanggé sami kados waragad ing *K. N. I. L. M.* Kanggé serat binnenlandsverkeer 10 sèn saben 20 gram. Dados serat ingkang wawratipoen kirang saking 20 gram, kakintoenaken saking Soerabaja oetawi Bandoeng dateng 'sGravenhage, manawi kabekta montor maboer doemoegi Medan, saking ngrikoe ladjeng kakintoenaken medal kapal mail, poenika kénging waragad post oedara 10 sèn.—)

# ONTJÈN SEKAR GAMBIR MELATI.

## AMERANGI LINTAH DARAT. GEMEENTE SOERABAJA INGGIH BADÉ TJANTJOET!

Para maos! Sampoen lami paoentoen-paoentoen anggenipoen toemandang amerangi lintah darat. Inggih lintah-darat ingkang saja dangoe saja katawis krodanipoen adamel kapitoenanipoen bangsa Indonesiërs. Sinten ingkang kéntjokan sasakit satoenggal poenika, sasat kados kapoelet ing sendjata ranté, angèl oetjoel-oetjoelanipoen!

Amila, sinten kémawon ingkang tresna kalijan bangsanipoen, kedah ambijantoe aksi waoe.

Menggah ichtjaripoen para paoentoen warni-warni. Inggang katha ladjeng angedegaken babatonan alit-alitan kanggé dagagangan (coöperatie). Para warga kawadjabaken tetoembas wonten ngrikoe. Koperasi makaten poenika ing Semarang, Mataram sampoen wonten. Malah ing Soerabaja kabaripoen saben pakampoengan sasat wonten babatonanipoen kanta alit kados ingkang koela atoreraken poenika.

Manoet tjarijosiopoen *De Locomotief*, College B. & W. anampèkaken oesoel dateng gemeente raad ing Soerabaja, wigatosipoen nedyangamerangi lintah darat ing peken-peken.

Ing salebeting Pranatan Peken badé dipoenwewahi pepatjak ngatjek-atjeki boten kénging tjang pados kaentoengan wonten salebeting koekoeban peken sarana njamboet-njamboetaken arta, inggih mawia patrap ingkang kados poenapa kémawon. Kadjawi makaten dipoenawisi kentjeng boten kénging nagih samboetan ingkang kaanaken, wonten ing koekoeban peken. Temboengipoen ing basa Walandi: Wordt verboden „op de terreinen der passar uit winstbejag geld uit te leenen in welken vorm ook, dan wel afbetalingen van een uit winstbejag geleende geldsom te innen, (of pogingen daartoe aan te wenden).”

Katjarijos, manoet oengelipoen koran waoe, ing Pasoeroewan toewin Kediri pranatan makaten poenika sampoen toemindak.

Pandjenengan sampoen sami pirsas, ing Soerabaja poenika dados kedoe-ning ebah?an merangi lintah darat.

Amila, saepami gemeente anindakaken oesoel waoe, poenika nama animbangi ngrekaosipoen para paoentoen ing Soerabaja anggenipoen sami kroda angempakaken dadamel warni-warni amrih leboering pakarjanipoen lintah darat.

Nanging, . . . wonten ingkang ndadosaken ngarendjeling manah koela sakedik déné manoet pawartos ing *Soerabaja Handelsblad*, gemeente badé oesoel soepados gemeente anglampahaken arta katha-katahipoen f 4000 kasamboetaken tetjatang wonten ing peken.

Leres gemeente anggenipoen badé nglampahaken arta wonten peken waoe, anakanipoen langkoeng mirah tinimbang toekang potang sanèsipoen.

Ananging, . . . pokal ingkang makaten poenika sisib sembiripoen saged anoewoehaken seling serep, panjakra bawa ingkang boten-boten dateng gemeente.

Saja toemrapipoen tjang ingkang sampoen kagoesah saking peken waoe, panampinipoen dateng patrapipoen gemeente ingkang makaten poenika ladjeng nama ngesoer. Anggepipoen: „ah gemeente déwé sing arep golèk oentoeng! Akoe ora olèh; akoe digoesah!”

Mangga, poenapa boten makaten? . . . Nanging, . . . ja soedah prakawis poenika boten preloe koela pandjangaken.

Prakawis ingkang penting: ing poendi? sapoenika wonten ebah-ebahan merangi lintah darat. Paréntah inggih karsa ambijantoe. Kita sasaged-saged inggih kedah toemoet toemandang!

Salebetipoen kita sami mangsah perang, kedah oegi angèngeti sasandoenganipoen. Mangka sasandoengan waoe toewoehipoen saking bangsa kita pijambak, kabekta saking sampoen ngjod, loemèngkèt wonten manahipoen.

Inggang koela wastani sasan-doengan ing ngriki, sadaja tandoe-*ing kang amboeborosi*. Kadosta: wilodjengan telas dasanan oetawi atoesan roepjah, dipoenréntjangi njanjamboet mawi anak-anak niki. Gadah damel nganak-anakaken; bakdan mawi pados samboetan arta kanggé long-longan sasaminipoen . . .

Ing mangka sadèrèk, ingkang gadah patrap ambeborosi poenika, boten namoeng kaoem Krama kémawon. Dalasan ingkang sampoen nama prijantoe oetawi paoentoen inggih kerep kémawon anjontoni watak boros waoe.

Kala 9 September poenika kémawon, manoet tjarijosiopoen *Bintang Mataram*, saking karsanipoen Assistent Wedana Pandak (Ngajogjakarta) loerah-loerah ing bawahipoen sami wilodjengan wonten mesdjid satjelakipoen pabrik Gesikan, mawi ndatengaken kjahi saking Nampangan (Magelang), perloe neda barkah wilodjeng kanggé bawah ngrikoe. Waragading wilodjengan f 220.— dipoensanggi sadaja keloearahan.

Mangga, poenapa makaten poenika tjonto saé? Leresipoen kedah toemandang angitjali goegon toehon! Nanging malah ngandelaken goegon toehoning kawoela! Anggenipoen njowoen wilodjeng poenika pantjen boten wonten awonipoen. Nanging patraping panjowoen, oetawi sarananipoen, pantji pantes dipoen-getoeni.

Sadèrèk Drijawangsa Chefredacteuripoen serat kabar waoe, njaroewé lalampahan ing Pandak poenika: „ . . . Kaloe orang jang djoeal „djimat” moesti ditangkep kerna dipandang „menipoe”, atawa laen sebab, apakah kedjadian di Pandak itoe tida lebih dari orang jang djoeal djimat?” (Mangka, . . . p è n g e t sadèrèk Drijawangsa poenika kalebet gegémbonging Parté Sarikat Islam Indonesia).

Manawi kita angrembag sasan-doenganipoen woekerbestrijding, kita mesti inggih ladjeng kèngetan prakawis ngabotohan.

Sok tjanga mangertos bilih ngabotohan poenika kerep dados margining tjang kedjiret lintah darat. Manawi djiretaning lintah darat saja ningseti, tjang makaten waoe ladjeng kerep kémawon mentala nganggé arta ingkang dédé gadahanipoen.

Manoet pétanganipoen Algemeene Rekenkamer ing salebeting Departement pinten-pinten kala taon 1929 wonten tindak salingkoehan arta rambah kaping 355, nelasaken banda f 158.462.845.

Salingkoehan arta sadèrèngipoen taon 1929, nanging ingkang konanganipoen saweg kala taon 1929, wonten rambah kaping 45, anelasaken arta f 34.524.93.

Dados goenggoengipoen sadaja wonten f 158.462.845 + f 34.524.93, wonten f 192.987.775.

Arta semanten poenika boten sakedik! Lan katah-katahipoen anggenipoen sami salingkoeh waoe kabekta saking kawon main, ingkang toendonipoen ladjeng kekatahen samboetan.

Amila tjang ingkang nedyangamerangi lintah darat, kadjawi angitjali padatan-padataniipoen bangsa ingkang boten saé inggih kedah toemandang *angleboer ngabotohan*.

Nitik atoe koela ing nginggil, . . . inggih tètela bilih toelada poenika ingkang bakoe pijambak!

Poenapa perloenipoen bengak-bengok merangi lintah darat, menawi badaniipoen pijambak nglampahaken arta mawi anak ingkang sami kémawon kalijan lintah darat bangsa Tionghoa, Arab, lss?

Poenapa perloenipoen propaganda woekerbestrijding, manawi badaniipoen pijambak anjontoni awatak boros, karem ngabotohan sasaminipoen?

Koela matoer makaten, awit Patjar Mérah mangertos wonten sawenèhing paoentoen tindakipoen njoelajani kalijan ginem toewin seratanipoen!

Kumuningsasélé 28 September '30. Taklim: *Patjar Mérah*.

## CORRESPONDENTIE.

Abn. 624. Karangan pandjenengan koela ladjengaken dateng S. K. Kita Adm. Sw. T. sampoen ngoeroes: Pandjenengan kanggé taon 1930 mila sampoen sah; déné blanco postwissel waoe kados boten saking kita, djalaran kita saweg badé ngintoeni [wara-wara nginggil]. Bab pandjenengan boten tampi lebaran poenika, kita boten saged damang; djalaran saben-saben Sw. Tm. inggih kakintoenaken. Bokmanawi lepatipoen doemoeng wonten ing margi; tjabi karoeraes!

Prakawis ingkang gandèng kalijan S. K. Adm. badé saos wangsoelan. Saking sd.-sd. G. Bericht: C. Soed. Wedi: *Gadjah Madha* Red. sampoen tampi karangan; nanging saking katahahing copie dèrèng saged matjak.

Sadèrèk Fred. Toetiboedhiati. Kita sampoen tampi oegi karangan pandjenengan, nanging saking pamawas kita, kados kirang prajogi manawi kapatjaka. Sampoen andadosaken panggalih!



M. v. BIENE.

Toekang herlodji  
dan Toekang emas.

Adres jang  
moerah

DJOKJA      BANDOENG

Telf. 252      Telf. 226

boeat LONTJENG, HER-  
LODJI dan PERKAKAS  
EMAS.

Pembatja

SWARA TAMA,

dengan bawa lembaran  
Swara Tama

dapat POTONGAN.

PAKOLÈH TOER LOEWESAN  
SAË TOEWIN AWÈT  
INGGIH NAMOENG  
MERK GAZELLE  
INGKANG AWOEDJOED  
ALCYON  
DUNLOP } RIJWIELEN  
R. I. W.

Nitjil kènging! – Kentjèng soekoer!

GAZELLE HUIS – ROEMAH GIDANG  
MALIOBORO – DJOKJA – TELF. 508.

Boeat toean poenja

ER  
ER  
CEE  
EE

APOTHEKEN

Rathkamp  
& Co

MALIOBORO 15 DJOKJAKARTA.

TOKO BARANG - BARANG  
H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.  
Perkakas dari gelas, dan perkakas dapoe;  
Kereta dan korsi boeat anak - anak;  
Tempat tidoer, lampoe gasoline, dan  
— permainan boeat anak - anak ketjil. —

SEMOEA BARANG PALING DJEMPOL, DAN  
MOERAH SEKALI!

Toko DJOEN & Co., Djocja.  
PATJINAN MOEKA TOKO FUJI — TELF: No. 374.

Adres jang paling moerah, dan paling baik  
boewat pembikinannya.

ROTIE-ROTIE, KOEWEE-KOEWEE dan  
BESCHUIT-BESCHUIT KERING.

SROETOE-SROETOE dan ROKOK-  
ROKOK, jang haloes dan kasar.

Djoega slamanja djangan loepa minoem kita  
poenja KOFFIE BOEBOOK, jang speciaal die  
giling dengan machine Electrics, bisa giling aloes  
dan kasar, menoeroet pembelie poenja perminta'an  
die tanggoeng sampee menjenengken, harga per  
pond f 0.90.  
Bolih dateng saksiken!

Memoedjiken dengan hormat  
Toko DJOEN & Co.

AGÈNT KANGGÉ SALEBETIPOEN  
NGAJOGJAKARTA.

Sepeda-sepeda merk:  
SIMPLEX Cycloide, S. djené, S. petak sarta Simplex Transfer.  
HIMA: Wassenaer, Rondrit, Oranje sarta Woestduin.  
TOURIST: A. A. sarta A.

Sedija oegi sepeda merk:  
RAY — SWIFT — GRUNO — HUMBER — VIALLE —  
BURGERS E.N.R. — KROON — NATIONAL — BERGKONIG.  
Sarta malih sepeda mirah wiwit pengaos f 55.—, f 65.—, f 75.—  
saprabotipoen: Klinting, pompa, lentéra sarta tas isi perka-  
kas koentji sarta wadah lisah.  
Mentas tampi per S.S. Slamet sarta JOH. de WIT sepeda merk:  
ROVER Imperial, continental, The Rover sarta Metallicus.  
Sedija oegi Djas djawah, Kopper, Lentéra Stormking, Lemantoen  
tosan sarta tjèt wènter.

PENJADÉJAN KENTJÈNG SARTA KATJITJILAKEN.  
Menawi perloe moendoet katerangan, badé kakintoen pratélani-  
poen kalajan lelahanan.  
Njenjadang Welingan.

Rijwielenhandel Reparatie-inrichting en Smederij:  
„WIRJOSOESENO”  
Lodjketjil 16. NGAJOGJAKARTA Telf. No. 13.

TJÈT GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;

sablèg regi 10,50 5,50 3,- 1,30 0,75;

TJÈT GILAP model B. kanggé ndjawi lan nglebet

namoeng kantoen ngagem; sablèg netto 10 kilo: f 8,50;

5 kilo: f 4,50.

PABRIK TJET R. B. FRIELING  
Gondhomanan 80 — DJOKJA — Telefoon no. 784.

DJAMNJA HARI ACHAD DISEMENTARA TEMPAT ADA KOERBAN MISSA.

Ambarawa 6.-7.30.	Lamah 5.30-6-8.	Pekalongan 6.30-8.	Kepandjèn 6-7-9.
Amboina 7.30.	Lawang 7.	Pemangkat 8.30.	Anita Boul. 6-7.30-9.
Bagan Siapi-api 7.30.	Madioen 6-7.30.	Poerwokerto 7.30.	Soerakarta 6-7-8.30.
Bandoeng 6-7.30-9.	Magelang 7-9.	Poerworedjo 7-8.30.	Tandjoeng Balai 7.30.
Benkoelen 7.30-9.	Makassar 6-7.30.	Pontianak 7-8.30.	Tandjoeng Karang 8.
Blitar 7.30.	Malang 6-7.15-8.30.	Probolinggo 7.30.	Tandjoeng Sakti 7.30.
Buitenzorg 6-8.	Manado 6-7.30.	Salatiga 7.30.	Tara-Tara 7.30.
Cheribon 7.30.	Medan 6.30-8-8.30 (tjina).	Sambas 6-8.30.	Tegal 6.30-8.
Djember 7.30.	Medari 7.30.	Sambong 8.	Tering 7.
Djokja: 7.30.	Meester Corn. 7-9.	Sawah Loento 7-8.30.	Tjilatjap 7.30.
Kampementstraat Eur. 7-9.	Mendoet 6-7.30.	Sedajoe 7.	Tjimahi 6-8.
Kota Baroe 6-7.30.	Modjokerto 6-8.	Sedjiram 5.45-8.30.	Tomohon 7-8-9.
Djombang 7.30.	Moentilan 5-6-8.	Samarang 6-8.	Wates 7.
Fort de Kock 7.30.	Muntok 8.	Gedangan 6-8.	Weltevreden: 5.45-7-9.
Gandjoeran 7.	Ngawi 7.30.	Bangkong 6.30-8.30.	Waterlooplein 5.45-7-9.
Gombong 7.30.	Padang 7-8.15-9 (tjina).	Tjandi 7.30.	Kramat 6-8-9 (mal.).
Keboemen 7.30.	Padang Pandjang 7.30.	Randoesari 7-9.	Wonosobo 7.30.
Kediri 7.30.	Pajakoembo 7.30.	Singawang 6.30-9.	Woloan 8.30.
Klatèn 7.30.	Palembang 7-9.	Soekaboemi 6-7.30.	
Koeta Radja 6.30-8.	Pasoeroean 7.30.	Heuvel 5.30.	
		Soerabaja:	

1) 1e. Achad. 3) 2e. Achad. 5) 1e., 2e., 4e. Achad. 7) 3e. Achad.

2) 1e. + 3e. Achad. 4) 1e. Achad tiao² doea boelan. 6) 2e., 4e. Achad. 8) 3e. Achad.

Waragad kanggé sadjawining nagari (Buitenland).

Waragad pos oedara dateng sadjawining Indonesia:

I. Serat-serat lan postwissel kanggé Nederland:

a). serat, document, drukwerk, monster wawrat doemoegi 5 gram, 30 sèn; wawrat 5 doemoegi 20 gram: 75 sèn; wawrat sanginggilipoen 20 gram, saben 20 gram oet. kirang 75 sèn.

b). kartoepon, wissel 30 sèn.

II. Kintoenan serat-serat lan wissel kanggé Europa (kadjawi Nederland), Amerika Kidoel, tengah lan Lèr, Afrika Kilèn lan Lèrkilèn, manawi medal post oedara Indonesia — Nederland, kadjoedjoegaken ing Amsterdam ladjeng kateroesaken mawi lampah limrah, waragadipoen:

a). serat, document, drukwerk, monster, 75 sèn saben 20 gram;

b). kartoepon lan wissel: 40 sèn.

Serat-serat kanggé Europa (kadjawi Nederland) ingkang medal post oedara waoe, manawi doemoegi Amsterdam dipoenkintoenaken oegi mawi montor maboer ing Europa tanpa mawi waragad mroenggan.

Katrangan - katrangan prakawis post oedara poenika pandjenengan saged miterang dateng kantor pos.

Sadaja kintoenan medal post oedara, pérangan ngadjeng kaprenah sanginggil adress silih kiwa kedah dipoensoekani dalantjang mawi seratan: „Per luchtpost / Par avion.”

Kertas poenika waoe saged pikan-toek lalahanan saking kantor pos lan kantor pos-pitoeloengan.

Amlop pos oedara. Ing kantor pos sakedap malih dipoensoedijani amlop dalah kertas kanggé pos oedara ingkang wawratipoen kirang saking 5 gram, kalajan regi kalih sèn.

Manawi nganggé amlop dalah kertas-pos oedara kaseboet nginggil, toemrap serat dateng Nederland,

waragadipoen 30 sèn.

**Kawontenan ékonomi moendoer.**

Resident Malang nindakaken paniti priksa, perloe njoemerepi toemoesing pangiridan ing kaboeididajan - kaboeididajan bawah ngrikoe. Kaboeididajan ingkang soeka katrangan sampoen wonten 50. Katrangan waoe tjekap kanggé damel ringkesan sawanganing kawontenan ékonomining tijang siti ing ngrikoe. Grabjaganipoen, tetijang alit sami kapitoenèn 7 ton, margi soedaning pamedal kopi tijang siti, poenapa déné margi onderneming kopi sami njoeda bebae tijang siti. Manoe katrangan, ing salebetipoen taoen poenika tetijang badé kapitoenèn malih 7 ton. Anggènipoen makaten waoe gagandèngan kalijan lampah-lampahing pangiridan ingkang sampoen katindakaken poenapa déné soedaning padamelan-padamelan ing onderneming.

Manoe katrangan, tijang-tijang onderneming ingkang sami kapotjot poenika golongan hulpmachinist, mandor, djoeroe serat, toewin pambantoenipoen djoeroe serat.

Ing taoen poenika poenggawa ingkang tjalon kapotjot kirang-langkoeng: bangsa Europa 20, tijang Priboemi 100.

Manoe taksiran, salebetipoen 1931 soedaning ékonominipoen tijang siti apes wonten samiljoen roepijah: poenika dèrèng kapétang kalijan tetijang ing papan onderneming afd. Malang (gendis lan téla), margi onderneming poenika dèrèng wonten ngadosaken katrangan.

Sanadjan makaten, inggih wonten sawenèhing onderneming ingkang dèrèng poeroen motjoti poenggawa.

Wonten ing parepataning Malangsche Landbouwwereeniging kala 16 Sept. wonten raos ingkang kawedar bilih sok oegi saben onderneming

amboedidaja saéning kawontenanipoen, wohipoen inggih badé saé. Saking golongan toewan kebon katitik bilih anggatosaken prakawis tetijang ngrikoe ingkang gesangipoen sarana ngoeli. Kadjawi makaten sami ihtijar sasaged-sagedipoen sageda tetijang ngrikoe, boten sanget-sanget katjinkranganiipoen.

Kanggé ngèntèngaken rekaosing panggesanganipoen tetijang siti, wonten ihtijar: 1. Njoekani kadjeng karèt ingkang sampoen dipoen-garap. 2. Tetijang kapoerih nglem-pakaken widji-widjining teteokoelan ngewrat lemi. 3. Njoekani siti tijoet oetawi wijar kanggé sawatawis wekdal dateng tetijang siti, dipoen-poerih nanemi tetaneman ingkang moentangati; makaten tjarijosipoen Soer. Hndbl.

**Katjilakan.**

P. Ragil kapentjil martosaken:

Dèrèng dangoe poenika ing Karangpakis (sip Salam Mtl.) wonten koeli njamboet damel arèn-arèn njoe-roengi lori saking ngeban ageng dateng ril tèmplek; saking kesanaipoen boten kèngetan jèn ing ngadjengipoen wonten kretegiipoen, woensana tijang waoe ketjegoer medal sela-selaning ban. Saoewat ngrikoe kantoen 50% gesangipoen.

Dèrèng ngantos mantoen, kala tg. 20-9-30 ing kidoel Tresan (Salam) wonten laré koeli rembangan dlamakanipoen kaplepes roda lori; laré kaoepakara wonten hospitaal Medari.

Tanggal 24-9-30 wonten kasang-saran tijang kalih inggih margi lori wonten doesoer Poerwasari (Salam).

**Kabar boten njata.**

P. Ragil kepentjil njerat:

Ing lembaran Sw. T. no. 35 tg. 29 Augustus '30 panggénan oerap-sari wonten ingkang ngabaraken bilih tg. 18 woelan September poenika ing Magelang wonten iksa-

menan pegantosan (petikan Sedyatama) poenika boten njata. Katah laré ingkang tebih-tebih sami dateng, ning djeboel boten wonten.

**Tijang pados arta gampil.**

H. ijo to martosaken:

Nalika tg. 24-8-30 pak kadji Aboe kasan, Keboledan, Brebes ketamoean tijang tawi badé mlitoer.

Pak kadji sagah; lan kapoerih mlitoeri lemantoen koersi lan médja. Nanging tijang waoe semados dinten Senèn 2-9-30.

Ngkos sadaja f 7,50 (tigang ringgit) nanging saweg dipoensoekani f 2,50 (seringgit).

Pengarang naksèni oegi. Tijang ngantos sapriki boten ketingal malih.

Katoerangganing tijang:

I. Tijang nama Daspan, oemoer ± 43 taen.

II. Jèn tjijosan kados Doersasana.

III. Mripat ragi kèdeng sekediek (kéra).

IV. Dedeg, gagah inggil.

V. mBekta katrangan saking S.F. Bandjaratma; katrangan bilih tijang waoe tilas wakker S. Fabrick, lan mbekta oegi katrangan saking pandjenenganipoen Mantri - Politie (R.

Arman) Tandjoengsari.

mBok bilih para sadèrèk ketamoean tijang waoe, soepados teroes kakin-toen dateng politie kèdawon, awit pi-jambakipoen ngapoosi kadji, Brebes.

**Kabar saking Wedi, Klatèn.**

C. Soedijati martosaken: *Djiwa Katholiek*. Wedi poenika sinaosa papan alit (onderdistrik), nanging tijangipoen Katholiek boten kirang saking tigang atoesan, dèrèng kapétang sedèrèk magangan.

Onderwijs. Ing Wedi wonten sekolahanipoen tiga: 1e. Standaard-school Katholiek, 2e. Standaard-school Moehamadiah, 3e. Openbare-school.

Kanggé golongan Katholiek a n a l-fabetisme (ngitjali tijang ingkang boten ngretos seratan) ing ngrika oegi katindakaken.

Cursus Walandi. Saking initiatiefipoen sedèrèk Moehamadiah ing Wedi kawontenaken cursus Walandi. Goeroenipoen saking H. I. S. Moh. Klatèn. Moeridipoen boten kirang saking 30.

Malaria. Manoe verslag kaonderan woelan kapengker, tijang ingkang katradjang malaria wonten 75%.

Njaosi pirsala lahiripoen anak koela èstri,  
nomer sakawan kala Ngahad 21 Sept. '30,  
koela namakaken:

THERESIA VAN HET KINDJE JEZUS.

Laré saha iboenipoen wiloedjeng.

R. PARTAHARDJANA,  
Bara, Kalibawang.



## ECONOMIE.

### ANDJOENDJOENG BANGSA.

Bravo! Makaten oesiking manah, sareng koela maos goebahanipoen sad. A. Boegel ing Swara-Tama no. 38 poenika. Bingahing manah koela tanpa oepami, mongkog ambedodog saredi anakan agengipoen. Koela sakomplot ingkang oegi manggèng wonten ing doesoen, malah kesingsal wonten pèrènging redi roemaos angsal sad. ingkang angekahaken tékadéng manah koela sakantja. Mila koela ingkang pantjèn étja-étja tilem, sarèhning soemerep idam-idaman koela meksa inggih ladjeng kapeksa brangkang-brangkang pados soewèkan kertas toemoet-toemoet animbroeng oeroen rembag.

Para sedèrèk! Pangandikanipoen sad. A. Boegel poenika pantjèn pantes sami koela gatosaken sasaged-saged oegi kedah sami koela tindakaken. Pantjèn padatan oetawi tatatjara - tatatjara kados ingkang dipoenpangandikakaken sad. A. Boegel poenika angalang-alangi dateng kamadjengan kita Djawi. Sinten ingkang saged ambéngkas pepalang waoe pantes sinoedarsana, moenggoeh sineboet „pangandjoer Djawi ingkang sadjati” lan koela keploki saking poetjaking redi: „Bravo, de ware Volksredder! Minoelja Sang Pangroewating bangsa!”

Manawi pandjenengan sami toemenga manginggil, sanalika priksa gebjar-gebjar, tanah Djawi ketinggal soemorot mawa tédja angengoe-waeng, kados-kados sampoen samestiniipoen jèn tanah Djawi ladjeng mandirèng, koewagang madeg pri-badi, sampoen boten pantes tn. Djawi taksiha dados kolonie. Lo, sarèh ta, sadèrèk! Pantjèn kasinggihan margi ingkang sami koela sawang waoe namoeng ingkang pantjèn sampoen gegedog saèstoe, oepami para Dr. Ir. Mr. lan Rr. sanèsipoen ingkang genah sampoen saged. Nanging poenika waoe pijambak, tanpa sadèrèk sanèsipoen „kenapa sampoen mrantasi?” Mila manawi koela nolèh dateng badan koela pijambak lan ing sakiwa tengen koela, ladjeng roemaos tanpa daja, nglempoeroek, baloeng kados dipoenlolosi. Tiwas pating kedebog anoendjang palang, tiwas namoeng babak boendas, toer tanpa pitowas, awit pantji teksih katah roebédanipoen, ingkang anggodèli dateng kamadjengan kita. Tiwas kekiter, kekedjera kados brandjangan pisan, manawi dipoenbandoei sèla, tangèh sagedipoen moeloek ing gegana. Manawi pandjenengan mriksani ing ngandap, pandjenengan ladjeng badé roemaos: „kerot tanpa oentoe,” wonten djangka nanging kirang srana. Poenapa boten badé mandeg „luchtkastelen bouwen.”

Nagari poenika sagedipoen koen-tjara tata rahardja, para kawoelan-ping pradja kedah mondjo ing kapinteran lan kasoegihan, kalih-kalihipoen kedah gandèng dados satoenggal, manawi gotang salah satoenggal inggih ladjeng nama angoetiwiwani. Tjekak kedah banda baow. Ing mangka manawi pandjenengan nlasak ing padoesoenan ing ngrikoe tjeta, jèn sadèrèk koela ndoesoen katah ingkang teksih kekekirangan bab kalih prakawis waoe, inggih poenika: I. financeel lan II. Kamadjengan (sakolahan).

Bab I.: boten perloe koela atoeraken pandjang-pandjang, ing ngrikoe sampoen tetèla: 1. margi nitik kawontenanipoen balé pémahan.

Kaping 2 nitik tedanipoen ing saben dinten kémawon katah ingkang tjomprang - tjomprèng sanget, ingkang toendonipoen ladjeng damel rendetipoen bab II. inggih poenika kamadjengan. Margi saking kekirangan waoe katah sanget sad. ndoesoen ingkang ladjeng éman-éman njakolahaken anak, witjantenipoen sok makaten: „Ming anak koela mon kok, dèn! Disekolahké nikoe adjeng dadi napa?” Awit gagananipoen: „Sekolah koe wi rak mbajar barang, toer panganggoné ija koedoe pantes, doeroeng mesti bisa dadi prijaji. Aloewoeng dikon glidig menjang tebon, olèh limalasèn sadina lowoeng, kena kanggo tambal boetoe.” Langkoeng malih laré èstri, wah sampoen ta angèlipoen ngoedoebilah, langkoeng-langkoeng ing mangsa panèn! Manawi pandjenengan ngadani sekolahan èstri wonten ing doesoen ing ngrikoe badé terang sapinten kemadjenganipoen laré ndoesoen. Mangka laré èstri poenika inggih perloe sanget pinter lan tampi toentoenan ingkang saé, amargi ing tembé badé dados iboe. Mangka iboe poenika pandemèning bangsa. Samangsa para iboe sami kampion anggènipoen anggoela - wentah, poetra - poetra ing tembé mesti katah ingkang dados djago patohan.

Para sadèrèk! Pantjèn inggih boten anggoemoenaken manawi sad. ndoesoen poenika sami katah ing-

kang tjomprang - tjomprèng, awit pamedalipoen boten sapintena toer kapeksa ngedalaken betah katah sanget, ingkang perloenipoen kanggé noetoeti temboeng „loemrahing oewong.”

a). Bab soembang - sinoembang. b). Tata-tjara ndoesoen: Roewahan, Moeloedan, maleman, Soeran enz. c). Sedekahan: Njoengkoep, ngidjing, njoertanah doemoegi njèwoe. d). Tata tjaraning ngagesang: mantoe, tetakan, tetesan, tingkep, nglimani, brokohan enz. enz.

Mangga para sadèrèk koela atoeri ngétang pijambak telasipoen prekawis ing nginggil waoe, ingkang katjeta ing a. b. c. d. Mila koela inggih moefakat sanget dateng tjeloeloekipoen sad. A. Boegel. „Apa kaja mangkono maoe ora betjik diilangi baé ta?” Koela sakomplot matoek kasoean oetawi tata-tjara ingkang tanpa goena poenika itjal babar pisan. Kados déné gadah damel: mantoe inggih sapantesipoen kémawon, nolèh dateng wragadipoen roemijin, sampoen kok ladjeng ndjagèkaken soembangan, géjeng-géjeng anggantoeng gong, bareng boebar omahé nglojong. Makaten poenika kirang nalar sadèrèk! Sampoen adrihi dateng temboeng „Ora loemrahing wong.” „Limrahipoen ing doesoen sami adrihi dipoenengelaken „ora loemrahing wong.” Woesana sanadjan ndjoengkir ndjempalik inggih dipoentemah anggeripoen boten kataman tetemboengan waoe. Tetemboengan waoe kedah dipoen-singkoer ingkang tebih, namoeng kedah amenggalih „migoenani apa mitoenani, begdja apa tjilaka.” Jèn badé aniwasi sampoen dipoenlampahi. Sasat oela marani geboeg, manawi meksa nékad.

Sampoen sawatawis dangoe koela sakomplot sami njobi boten perloe njoembang dateng tjang gadah damel. Dipoenondang, dateng, nanging boten njoembang. Pantjèn inggih radi awrat sadèrèk, awit mesti kerep kanggé patjitan, kanggé sambèn timbang ngangoero oetawi kerep dipoenplèroki saking kiwa tengen, nanging boten dados poenapa. Alle begint is moeilijk. Pantjèn inggih njata.

Soembang - soembangan poenika koela pantjèn boten matoek, kedjawi lo, toemrap tjang kasangsaran oetawi kapesan, poenika sasaged-saged kedah dipoenpitoeloengi. Kados déné tjang gadah damel mantoe, tetesan enz. poenika waoe sadaja rak sampoen dipoenpikir oetawi dipoenrantjeng sadèrèngipoen, dados sampoen saged nginten-nginten lan saged ngoekoer sapinten kakijatanipoen. Malah wonten oegi tjang ingkang gadah damel, ingkang dipoenpentingaken anggènipoen badé pados soembangan, poenika klintoe sanget, lepat-lepat dados bajangan.

Jèn mila tatanan soembang-sinoembang ing Djagad Djawi taksih lestantoen kados samangké poenika, economie Djawi langkoeng-langkoeng ing padoesoenan mesti boten badé mindak saé, amargi gèk sapinten kémawon telasing arta ing sataoen-taoenipoen ingkang toemandja dateng soembangan. Kados pangandikanipoen sadèrèk A. Boegel, terkadag jèn boten gadah arta sok ladjeng poeroen nabrak dateng lintah darat. Boten sakedik sadèrèk ingkang sami dados memangsaning lintah darat. Koela takèk-takèkaken oetawi koela étang-étang saremanipoen arta njamboet dateng Tionghoa mindring poenika ratjak-ratjak 300% sataoenipoen. Dados saben sataoen gadah pamedal f 40, poenika, ingkang kanggé betah pijambak f 10, sanèsipoen f 30 kanggé presèning Tionghoa. Wah, poenapa boten badé kasakit-sakit sateroesipoen. Dateng poendi toemandjanipoen arta anggènipoen sami njamboet damel para sadèrèk koela Djawi? Mangga para maos koela atoeri menggalih! Mangga sami toemandang andjoendjoeng bangsa, ajitnakaken pepalanging kamadjengan.

Ing wasana sadaja wawasan koela waoe mangsa boronga.

Noewoen: Arga poera 24-9-'30.

Poen PAK. TA.

## KASARASAN.

SADAJA INKANG MAÉDAHI SAMPOEN NGANTOS ITJAL KASILEP!

Poenapa ta poenika, teka maédahi? Djampi wedalan saking redi Kawi. Lo teka dédé djampi wedalan redi Himalaja, redi Slamet oetawi Merbaboe? ambok djampi wedalan redi Merapi, awit kabaripoen redi latoe poenika panggènanipoen bangsa sètan, èblis toewin perajangan? Ah boten sadèrèk, awit poenika djampi kanggé bangsa Djawi, wedalan tanah Djawi ingkang pantènipoen kedah kanggé, sabab maédahi, nanging sarèhning katah tjang ingkang dèrèng mangertos mila badé koela andaraken kagem sadèrèk-sadèrèk Djawi, sampoen ngantos barang ingkang katah paédahipoen ladjeng

itjal kasilep. boten naté kagem djalaran boten naté kapireng oetawi dèrèng naté priksa.

Ratjakipoen prijantoe Djawi, bilih oeroes-oeroes sami nganggé kastrol, wonderolie of kastrolie; nalika koela taksih dados moerid taksih sekolah manawi oeroes-oeroes inggih nganggé kastrol, toemas ing toko 10 sèn oetawi 3 bènggol sampoen tjekap. Sapoenika manawi koela oeroes-oeroes boten nganggé kastrol, nanging nganggé djampi majar i. p. tjrakèn. Temtoenipoen para sadèrèk wonten ingkang goemoen mireng temboeng tjrakèn? Inggih, saweg mireng sapisanan poenika, kados poenapa roepinipoen? Agengipoen sapinten lan raosipoen kadospoendi? Tjtrakèn poenika warninipoen djené soelak petak, wangoenipoen boender loandjong, agengipoen sadjarak kepar kapara radi alit sakedik, déné paédahipoen kanggé ngresiki madaran kotor alias oeroes-oeroes. Sinten nedyia oeroes-oeroes kénging moendoet ing peken panggènanipoen tjang sadé djampi; kalih sèn angsal 4 idji. Tjtrakèn 3 idji kémawon sampoen tjekap saged ngresikaken madaran reged satoenggal. Tjtrakèn waoe kagetjeka kaboe-tjala tjangkokipoen, soepados isinipoen ingkang awarni petak saged adjoer, toemoentoen kaental nganggé pisang moerih isi poenika boten nggepok ilat, sabab jèn nggepok anggadahi raos a o r, ngantos 10 — 15 menit raos waoe saweg itjal.

Èndjing kaental, watawis 4 a 5 djam anggènipoen ngedalaken reregèd sampoen saged toentas. Majar saèstoe djampi poenika, ngoengkoeli kastrol saènipoen.

I. Salebetipoen ngedalaken reregèd (mbeboetjal) boten oeneg-oeneg kados nganggé kastrol.

II. Gampil pangentalipoen, tjekap nganggé pisang 1/3 oeler toer boten ngganda sarta boten ndjedjenesi kados kastrol.

III. Reginipoen mirah jèn kleresan 1 sèn sampoen njekapi angsal 3 idji, déné kastrol 3 bènggol of 1 ketip saweg saged ngedalaken reregèd; sanèsipoen poenika ing salebetipoen oeroes-oeroes asring taksih ngganda kastrol.

Para bakjoe-bakjoe ing Internaat-Internaat sarta sadèrèk sepoeh-anèh manawi sapisan sampoen njobi nganggé tjrakèn, kaping kalih saha saladjengipoen temtoe kapok nganggé kastrol. Poenapa ta perloenipoen kita toemas djampi wedalan tanah mantja, jèn kita sampoen jakin soemerep paédahipoen djampi Djawi ingkang langkoeng saé sarta langkoeng énggal njarasaken sasakit, toer reginipoen mirah panganggènipoen majar, njobi sapisan toeroes nganggé salaminipoen . . . kanjataan sampoen linampahan déning sadèrèk Djawi maèwoe-èwae. \*)

P. Brata Amisèna.

### BEZUINIGING!?!

Sampoen kaping pinten Sw. Tm. ngemot karangan ingkang atitel BEZUINIGING?

Nanging koela meksa poeroen ngedalaken ingkang atitel kasebat. Margi pangiridan waoe boten sembarangan-sembarangan kémawon, nanging ingkang badé dipoenbezuinig bangsa kaoem djempolan.

Sinten ingkang badé dipoenbezuinig?

Sadèrèngipoen, koela njowoewen pirsadoemateng para maos, sinten ingkang limrahipoen dipoenbezuinig?

„Prijantoe, lan koeli-koeli, sampoen ta, tjekakipoen bangsa kaoem berah; rak inggih ta?

Nanging bezuinig ingkang badé koela atoeraken poenika, sanès bangsa prijantoe. Nanging kaoem minta-minta; inggih poenika para tjang miskin ingkang dipoenoe-pakara ing Armentehuis „Panti Poerbo Joewono” ing Klampok (Brebes). Menggah alasinipoen kas woeding ing Regentschapsraad Brebes telas. Nanging begrooting kanggé sanès-sanèsipoen taksih.

— o —

Ing taoen 1917, nalika pandjenanganipoen Kangdjeng Boepati Soemartono swargi; taksih djoemeneng

\*) Poenapa tjrakèn waoe sampoen naté kapriksa (onderzocht) ing dokter winasis? Jèn dèrèng, moegi wontena ingkang mriksaken, soepados sageda kajektèn, manawi tjrakèn waoe maédahi tanpa niwasi. Jèn sampoen, poenapa pemanggihipoen inggih kados makaten? Jèn inggih, soekoer sanget. Awit poenika rak ladjeng saged dados toeking kasil lan dados djor-djoraning kastrol; pantes karatakaken ing tanah Djawi, malah pantes oegi kawadalaken dateng tanah sabrang poendi-poendi.

Jèn mila pantjèn makaten (= tjrakèn maédahi tanpa niwasi) tjobi, énggal katandangana, sampoen ngantos keroemijinan ing tjang sabrang, sampoen ngantos kareboet ing sanès! Lan poenapa ladjeng badé mokal adeging pabrik tjrakèn Djawi, ingkang njebar wedalanipoen ing saloemahing djagad: ing Indoesiah, Asiah, Éropah, Afrikah, Amèrikah, Oestraliah!!

Red.

Boepati Brebes; ing doesoen Klampok katah tjang kapinten; sami doemawah ing katjengkrangan, woesana sami neda-neda dateng ing peken-peken.

Saking welasing ingkang Boepati kasebat dateng para tjang miskin waoe; oetawi saking kirang renaning manah; bilih bangsa kita katah ingkang klarahan kadya klaras; ingkang Boepati ladjeng ngawontenaken grija kanggé tetijang waoe. Nanging nalika poenika meksa dèrèng maremaken ing manah. Margi ingkang dados Beheerder tjang limrah kémawon. Dados tetijang miskin kirang opvoedingipoen.

Kotjapa ing taoen 1929 Beheerder gantos djempolan.

Para tjang miskin ingkang gadah sesakit dipoendjampèni ngantos mantoen; kadjawi poenika sami dipoensinaoni handenarbeid sekdikan. Laré alit-alit kasekolahaken. Ingkang poenika koela matoer: „Banjak trima kasih, toean D. Siagian. Beheerder P. P. J. di - Klampok, atas toean poenja pendidikan.”

Nanging meksa wonten malih ingkang damel gelaning manah; déné voedingsbegrooting ngantos telas. Lan nalika tanggal 4-9-'30 tetijang ingkang ketinggal lagi saras kapoerih késah saking ngrikoe. Ti jang ingkang sami wangsoel wonten 43, lan kantoen 48 (mèh 50%).

Temtoe kémawon tjang ingkang taksih gadah sanak-sadèrèk lan grija, boten mekéwoeh. Jèn ingkang nihil kados - poendi?? Mangka djaman samangké tjang pados menir ngrekaos sanget. Tjjang ingkang nihil waoe kinten-kinten inggih wangsoel dateng ngandap kreteg malih.

„Doeloe orang miskin di tjari.” „Sekarang orang miskin di lempar.”

Tjjang ingkang sami wangsoel waoe sadjak sami sisah lan getoen, nilar P. P. J. djalaran wonten ngrikoe sami ngraosaken seneng.

Poenapa boten kénging kanggé neboki begrooting sanèsipoen waoe? Poenapa boten badé katah tjang miskin toeroet loeroeng lan pasar malih?

Boten langkoeng koela namoeng gadah pangadjeng-adjeng soepados P. P. J. bèrès malih.

Noewoen koela  
H. ijo ta?

## VARIA

SINTEN NEDA LOMBOK DJEMPLING, ANDJEMPLING.

SINOM.

I  
Doeh prikantja ingkang samya  
Memajoe ajoening boedi  
Oeloen dahat tjoeantaka  
Toer noepiksa mrih oetami  
Kanggé mangsa poeniki  
Gya ambirat watak kaloe  
Tjari pendok kang soepadya  
Makoleh diri pribadi  
Karja tjamah tanapi tjrahing kekadang.

II  
Saiba loking sardjana  
Moewah kang dèn toer-toeri  
Kalamoen limpat sanjata  
Dèn goeioe ndjro sanoebari  
Tjari moeka kang litjin  
Wedaling sabda sing toetoe  
Tan nggalih tedas-ira  
Kadaoet ambabajani  
Apan dadya moesibat toembak tjoejtjoekan.

III  
Risiko tan saged ontjat  
Ngeboeki angganta jekti  
Hyang kang moerba wasèsa  
Tan samar ing agal rempit  
Destoen kadoewoeng woeri  
Kataman sangsareng hidoep  
Dèn tjietjengès koela-warga  
Para mitra datan soedi  
Ing wasana mandjila gya njemploeng kotak.  
Oewoer<sup>2</sup> geni Semarang.

PILIHAN LOERAH DOESOEN  
WATES DOEKOE MOENTILAN  
tg. 17-9-'30.

Wiwit sadèrèngipoen loerah lami njèlèhaken kalenggahanipoen sampoen ramé kabaripoen badé komplangan loerah.

Mila tjang-tjjang ingkang wonten koekoeban kloerahan kaseboet roemaos saged ndjangka, oetawi kedogè njalon, mangka kasembadan (tjekap) sampoen wiwit tata-tata (soemekta); sasomerep koela boten ngemoengaken tetijang koekoeban kloerahan ngrikoe kémawon ingkang ébah, mandar sanès kloerahan oegi wonten ingkang toemoet - toemoet gègèr (riboet) badé njalon.

Wiwit mas loerah sampoen boten kepareng nindakaken pedamelan; pendak daloe katah tjang ingkang pating tlengseng dateng salah satoenggaling sawoeng-sawoeng mandar kaprahaling inggih dipoenradini (sawoeng-sawoeng waoe dipoendatengi sedaja), wonten ngrikoe neda, ngombé wédang dengan gratis toer saben daloe. Wonten panggènanipoen sawoeng - sawoeng tjang waoe boten namoeng neda-ngombé wédang kémawon; inggih gadah rembag werni - werni ingkang wosipoen bédjning milih pandjenengan, manawi pikantoe sawoeng ingkang mloto mangké wangsoel sampoen pikantoek pesangon toembas ses,

nanging kaprahhipoen bédjning manawi sampoen tjelak; oetawi malemipoen pilihan saweg sami pikantoe arta. (panoembasing biting) boten ses, segélo, kalih gélo, manawi kra-djanipoen ageng sok ngantos doemoegi gangsal gélo saben tjang; dèrèng botoh-botohipoen sekdik-kedikipoen f 50 (vijftig), mangka gèk pinten 'mbotoh, mila ingkang boten dados sok asring nglaloe poenapa, la-wong kados mekaten tjaranipoen.

Teda lan arta dèrèng tjekap kanggé pawitanipoen magang loerah; inggih kedah ingkang andap asor, lan oegi mesoe raganipoen; kadosta wonten ingkang tirakat dateng koeboeran; wonten ingkang kapoerih ngoebengi sedaja bawhipoen dekah ingkang dipoendjangka, semanten rekaosi poen; namoeng ingkang katah - katah ingkang sampoen dados kok boten ngèngeti dateng bab-bab ingkang dipoenlampahi nalika saweg badé magangipoen: katah-katahipoen ladjeng . . . Jodja, Solo, hotel montoran; ingkang sanès bawah Jodja, Solo mestipoen, moempoeng-moempoeng.

N. B. Kantja loerah sanèsipoen ingkang roemaos boten, sampoen ndadosaken penggalih, ingkang koela atoeraken, ingkang sampoen koela soemoeroepi, lan kaprahhipoen, boten sedaja lo, mas loerah. Sokoer manawi katah ingkang kèngetan kalijan moela boekanipoen, panjerat ndèrèk-bingah. Sokoer-sokoer.

Wangsoel dateng pilihan Wates. Ingkang boten dados temtoenipoen greges - gregesipoen saèstoe; margi wekdal anggènipoen nglempakaken tjang lagi tamban (dangoe), saoe-pami sedaloe-daloenipoen telas f 5 kémawon sampoen pinten atoes ingkang kanggé nedani tjang waoe; dèrèng anggènipoen mbajari. Wiwit loerah lami dipoenkèndelaken roemijin doemoegi toemapaken pilihan kirang djangkep wonten 8 woelan; kepara langkoengipoen lagi katah. Mangka samireng koela wiwit poenika sampoen wonten ambet-ambetipoen sawoeng ingkang nglempakaken tjang. Temtonipoen botoh-botoh anggènipoen ngriwili sawoeng-sawoeng inggih lagi katog tjang semanten dangoenipoen. Malemipoen pilihan ombjaking tjang ingkang sami badé . . . . . bitingipoen kados semoet, oetawi laron medal saking lèngipoen, pating kleper ngalèr, ngidoel, ngètan ngilen, dateng panggènanipoen sawoeng-sawoeng; mbokmenawi lagi wonten tjoewanipoen, déné sawoengipoen kok namoeng 3; mbok ja genep ka 6 rak rada sedengan.

Èndjingipoen: (dintenpilihan); kemrittig lampahing tjang noedjoe dateng papaning pilihan (dateng Djoewana Doekoen). Boten nge-mogaken tjang ingkang badé milih kémawon ingkang sami mrikoe, nanging penonton oegi boten kantenan katahipoen, (kepara katah ingkang ningali kalijan ingkang badé milih).

Pemilih (koeli kentjeng wonten 195) ingkang dateng namoeng 176, déné ingkang sami ningali kirang djangkep 250 tan (panjerat njatakaken pijambak).

Sasampoenipoen koeli-koeli dipoenrolis. (dipoentjotjogaken). Bandara Wadana medar sabda; bab-bab ingkang perloe, sarta gepokanipoen koeli dateng loerah, oetawi loerah dateng prabotipoen: kadosta bab persèn arta tjowokan sadé tinoembas roemijin 8% sapoenika kantoen 5% poenapa 6% panjerat boten patos tjeta margi tebih; lan gebre-begen soewantening tjang; bab pangdoeming bengkok; rehning bengkok sadaja namoeng 7 baenan; mangka wonten prabot 12.

Setoenggal-toengaling prabot pikantoe 60 roe; kaoem 20 roe; loemajan; telas prakawis-prakawis bab ingkang magepokan koeli dateng loerah; lan loerah dateng prabot Bandara wedana neksèkaken, oetawi ndangoe dateng setoenggal-toenggal-ing sawoeng; saé sedaja, lan poenapa boten komminis: poenapa sedaja wedalan sekolahan, (saged njerat), kanti kanjataaken sami kapoerih njerat, oetawi tèken. Sasampoenipoen rampoeng sedaja ladjeng pandjenenganipoen A. W. ngrolis, nimbali dateng setoenggal-toenggal-ing koeli ingkang badé nglebetaken biting dateng boemboeng.

Bandara setèn nimbali koeli; wonten prijantoe setoenggal malih ingkang maringi bitingipoen: nalika koeli-koeli wiwit sami nglebetaken biting dateng boemboeng, soewantening penonton boten kanten-kantenan; ngantos damel ndredeging tjang ingkang sami badé nglebetaken biting; oetawi sawoeng - sawoeng mbokmenawi inggih lagi tak-tik.



Rampoeng anggenipoen samingle-  
betaken biting, penonton ladjeng  
wiwit ramé malih, rebat ngadjeng  
mergi badé soemerep anggenipoen  
ndoedah. Doemoegi pada loengsi-  
nipoen sada 176 mlebet dateng  
boemboeng 3, poetoesanipoen ing-  
kapetjah roemijin pikantoe 25 idi  
no. 11 " 47 "

" kantoen pijambak "104 "

Dèrèng rampoeng pangtangipoen  
inggang kantoen pijambak; sawoeng  
2 inggang kapetjah roemijin boem-  
boengipoen sampoen sami ngetjap  
gadja (alijas mbolos). Katetapan  
inggang kantoen pijambak inggang  
dados mergi pikantoe sepalih  
langkoeng. (104 ngaten).

Tetijang sampoen sami bibaran;  
kantoen inggang dados kalijan ban-  
dara setèn Doekoen inggang kan-  
toen; paring sesorah oetawi anda-  
ran katah-katah dateng mas loerah  
anjar katon.

Panjerat oegi ndèrèk memoedji  
soepados mas loerah énggal sageda  
énget dateng bab-bab inggang sam-  
poen dipoenlampahi nalikanipoen  
saweg badé madjeng.

Boten langkoeng ngatoeraken pa-  
soengengan. (P.f.).

Déné sebab-sebabipoen loerah  
inkang dipoengentos mbokmenawi  
boten soesah koela atoeraken won-  
ten ngriki sampoen tjeta; inggang  
temtoe babagan . . . . paos oeta-  
wi sapoenika wonten malih inggih  
poenika bon gendèng (gendèng pest-  
bestrijding).

Sanadjan panjerat boten kétéjan  
oetawi; wék-wéké déwé, toemoet  
éman sapoenika ladjeng . . . . .  
kesangeten: inggih menawi wéké  
déwé saéstoe boten patosa; mana-  
wi ladjeng mrèntèk; kadosta  
kagoenganipoen negari oepami pa-  
os; rak sisah, kirang bedjanipoen  
masoek kandang tikoes; hotèl goe-  
permèn; gratis. Vrij van port.

Penonton J. KOES.

**SAJOEMBARA.**

Pemimpin inggih poenika orgaan-  
ipoen P.P.B.B. (Perhimpoean Pe-  
gawai Bestuur Boemipoetera), ing-  
gang nembé medal poenika, njarijs-  
aken bilih wiwit Agustus '30  
saben 2 woelan sapisan badé damel  
sajoembara karangan, inggang mak-  
soeding karangan katetepaken de-  
ning red. pijambak; lan sinten ing-  
gang saged poetoes badé tampi gan-  
djaran boekoe.

Kanggé wiwitan sajoembara poe-  
nika redactie milih inggang gampil,  
inggih poenika: Kados-poendi  
réka dajanipoen ngadjeng-  
aken pamoelangan doe-  
soen.

Tjòbèn-tjòbèn sajoembara ing  
nginggil poenika saé sanget, djer  
poenika ngantawisi, manawi redactie  
P.P.B.B. menggali éstoe dateng  
adjenging pasinaon, inggang mila  
njata ageng paédahipoen dateng  
para kawoela.

Nitik sajoembaranipoen inggang  
kanggé wiwitan poenika, koela sag-  
ed mastani wontenipoen pemimpin  
saben-saben badé damel sajoembara  
poenika, boten namoeng badé ngan-  
gkah katahipoen loembetang karang-  
karangan kémawon, wangsoel badé  
ngangkah soepados para prijan-  
toen B.B. saged saja damang lan ngam-  
pilakan toemindaking anggenipoen  
nindakaken koewadjiban; djer para  
prijanipoen B.B. makaten, saéstoe-  
nipoen inggih dados pantoentoeing  
para kawoela inggang toendonipoen  
saged mikangsaken para kawoela  
(moerih kabegdjaning bawahipoen)  
dados boten namoeng ngentjengi  
panariking paos, mbalapakan para  
loerah-loerah bawahipoen rebat roe-  
mijin ngloenasi paos dateng kolék-  
toran, njaekaken pager-pager paka-  
wisn, mijaraken margi-margi doe-  
soen moerih para lelana mawi mo-  
tor sampoen ngantos ketjoewan  
langkoeng malih para toean?....

Wedalipoen sajoembara inggang  
kaseboet, mratijhnan manawi Pe-  
mimpin gadah kajakinan: jèn prijan-  
toen P.B. ngadjenging pasinaon  
poenika boten tjekap srana dawoeh  
kémawon, nanging kedah mboedi  
daja kados-poedi srananipoen. Ing-  
gang makaten poenika mila kasing-  
gihan sanget. Djer tijang sepoeh  
inggang anggenipoen njekolahaken  
anak namoeng adrijh dateng dawoeh,  
adrijh manawi badé tampi doeka  
saking Bendara Wadana oet. Ben-  
dara Setèn, poenika sasat boten  
teges. Boten sekedik loerah-loerah  
oetawi prabot-prabot doesoen ing-  
gang nalika andawoehaken sekolah  
mawi dipoenèmbèl-èmbèli tetem-  
boengan: ora kétoeng nèk  
wis mleboe sasasi rong  
sasi ndjoer metoe kaé,  
anggeré saiki wis kétok  
sekolah rak ija kena. Lidok,  
ing wiwitaning woelan pasinaon  
moerid saged njekapi katahipoen,  
dèrèng ngantos setengah taon tjat-  
jahing moerid énggal sampoen bo-  
ten wonten sepalih, moerid lami  
soemerep kantjanipoen saja soeda  
toemoet béka, kerep boten mlebet,

kerep pamit roepi? santolanipoen,  
poen goeroe kedah kerep moeroegi  
dateng grijanipoen, apes meling-  
melingaken dateng kantjanipoen ka-  
poerih mlebet.

Rèhné moerid inggang medal ka-  
tah mas goeroe ladjeng pikantoe  
tjap boten saged moelang,  
boten saged momong laré,  
kekerengen lsp. saking ndara  
Siner ndara Setèn oetawi ndara  
Dana. Mangka inggih makaten poe-  
nika wohipoen pasinaon inggang  
namoeng mligi saking dawoeh. An-  
dèkpoena wonten A. W. inggang  
boten rena kanti sanget bilih won-  
ten goeroe inggang ndèrèk koprénsi  
oetawi kempalan doesoen, inggang  
perloenipoen badé ngrembag moerih  
adjenging pasinaon; ngendikanipoen  
sampoen kekerep anggenipoen  
ngrembag, toer oepami dipoensoe-  
woeni priksa: ing salebetipoen se-  
taoen anggenipoen ngrembag moerih  
adjenging pasinaon wonten koprénsi  
distrik oet. ond. distrik oet. ing  
kempalan doesoen, sampoen kaping  
pinten? Kinten koela A. W. waoe  
anggenipoen paring wangsoel meksa  
radi ketjipoehan. Sampoen tebih  
keplantrang koela, sapoenika wang-  
soel bab sajoembara. Ing sarèhné  
adjenging pasinaon poenika tjeta  
boten tjekap dipoeksranani dawoeh,  
mila matoek sanget wontenipoen  
sajoembara kaseboet nginggil.

Sadèrèngipoen sajoembara tatas  
(rampoeng), panjerat tjaoes paurajogi  
dateng para kawogan ngadjengaken  
pasinaon, moegi sadèrèngipoen da-  
woeh, langkoeng roemijin inggang  
badé kadawoehan kangertosna bab  
paédah lan kanggenipoen sekolah.  
Soepados inggang dawoeh lan ing-  
gang dipoendawoehi saged ngretos  
preloenipoen sekolah, temahan ing-  
gang tampi dawoeh saged sreg,  
doenoeng, ngretos, ngemen-emen-  
aken pamredining anak dateng adje-  
nging pasinaon. Saja matoek malih  
manawi dedawoehan waoe mawi di-  
poenboekani koewadjibaning  
tijang sepoeh dateng anak. Déné  
jèn sajoembara sampoen rampoen  
moegi ladjeng kaagama toemandang;  
kagem sesoeloeh lan nggiring laré? In-  
donesia djaler-èstri dateng pamoela-  
ngan ing Indonesia tanpa mawipilih?

Pemimpin P.P.B.B. anggenipoen  
ngedegaken sajoembara boten na-  
moeng sapisan poenika. Ing nginggil  
sampoen koela atoeraken bilih badé  
sateroesipoen saben kalih woelan  
sapisan. Ing nginggil koela oegi sam-  
poen nginten bilih kadjengipoen  
boten namoeng kanggé ngatahaken  
lebetang karangan, nanging kanggé  
njampoernakaken anggenipoen koe-  
wadjiban dados pantoentoeing para  
kawoela. Éé poenika panginten;  
boten namoeng moegi-moegi pa-  
nginten koela waoe saged njata  
(kelampahan saéstoe). Anggèn koela  
njenjoewoen moerih panginten koela  
netesi, namoeng ngèneti geunging  
paédahipoen jèn ta makatena. Dados  
boten ngangkah dipoenwastani me-  
tek.

Njambeti anggèn koela sampoen  
keladjeng metèk antjasipoen Pemim-  
pin P.P.B.B. ing nginggil bab an-  
genipoen ngadegaken sajoembara,  
koela satengah mestèkaken jèn oegi  
badé ngedegaken sajoembara: *kaprijé  
réka dajané ngadjokaké tetanèn,  
réka dajané ngalangi lintah darat,  
réka dajané ndjaga kasoesilan, réka  
dajané mbetjikaké ekonominé para  
kawoela* lan sapanoenggilanipoen.

Panjerat sasat nemtokaken jèn P.  
P.B.B. oegi boten marem jèn na-  
moeng pinanggihing réka-daja réka-  
daja ing nginggil kémawon, nanging  
oegi ngorong dateng boektinipoen.

Anggèn koela kami-poeroen ngin-  
ten-inten bab antjasipoen P.P.B.B.  
inggang medal margi adjenging sa-  
joembara kados oerhan ing nginggil  
boten nama ngonggrong P.P.B.B.,  
nanging oegi ngèneti tjaraning pa-  
dos pakoermatan (adji) oetawi daja  
prabawa inggang sampoen kaserat  
ing Pemimpin P.P.B.B. inggang  
koela wastani ngambah margi ing-  
gang saé leres lan mitajani, inggih  
poenika inggang moenggel makaten:  
" . . . . . sekalian bawah perintah  
mesti merasa, bahwa dirinja ada di  
bawah itoe Chef tiada lantaran pang-  
katnja (lebih rendah) akan tetapi  
lantaran dari kelakuan, dari tabiat-  
nja (keloehoeran batin), dari penge-  
tahoenan, dari kepandaian, dari ke-  
tjakaan, dari keradjanan dll. Saes-  
toenipoen inggang kedah mekaten  
waoe boten namoeng Sep kémawon,  
nanging oegi toemrap para prijan-  
toen sanèsipoen.

dll. (dan lain-lain) ing nginggil  
panjerat ndèrèk njetakaken setoen-  
gal oepami: „dari sikapnja P.P.B.B.  
jag bermaksoed seperti maksoed  
perlombaan jang saja (H. Tjitra)  
rentjanakan diatas.“<sup>(1)</sup>

(1) Wewahan poenika kadjeng koela boten  
namoeng toemrap kadjening para Chef; na-  
nging oegi oemoeming prijanipoen B.B. Ma-  
katena oegi tindakipoen Chef kados inggang  
kinadjengaken ing Pemimpin P.P.B.B. boten  
namoeng ndajani para kalèrèhan, nanging  
oegi ndajani dateng kawoela oemoem.  
H. Tjitra.

Minangka pantoetep koela ngam-  
bali pamoedji koela sepisan engkas:  
moegi-moegi panginten koela ing  
bab antjasipoen P.P.B.B. ing bab  
wontening sajoembara sagedatjotjogl  
H. Tjitra.

**PAKABARAN.**

**SAKING KLATEN.**

*Sérkoelèr boten pareng main.*

Sampoen sawatawis woelan poe-  
nika, ing Klatèn langka prijanipoen  
sami main, katitik jèn noedjoe wonten  
ing padjagongan, namoeng sami  
omong-omong kosong, menggah sa-  
babipoen: nalika dd. 25 Juli '30  
Kantor-kantor goepermèn, saha  
pamoelangan goepermèn sami tampi  
Sérkoelèr saking A. R. kados ing  
ngandap poenika:

Lantaran soedah beberapa kali ke-  
djadian wang kepoenjaannja goe-  
permen digelapkan oleh pegawai goe-  
permen jang djadi tanggoengan  
ambtenaarnja masing-masing, dengan  
soerat ideran Kangdjeng Toewan 1e.  
Gouvernement Secretaris tertanggal  
4 ini boelan no. 1481/A. I. telah  
disijarkan titah Kangdjeng Toewan  
Besar Goebornoer general akan  
melarang pada ambtenaar-ambtenaar  
Gouvernement, baik jang poenja  
tangoengan wang atau tida, boeat  
berdjodi atau toeroet permainan  
lainnja jang bertaroekan wang.

Barang siapa jang tak mengin-  
dahkan perintah diatas akan diper-  
salahkan „tidak menetepe wadjib  
dan bisa dilepas dari djabatannya,  
dengan atau tida dengan hormat“.

Makaten oengeling sérkoelèr wa-  
oe, mila sadaja pegawai goepermèn  
inggang tesih ngowel dateng ka-  
lenggahanipoen, manoe oengeling  
sérkoelèr, toemoet abang-idjo kema-  
won inggih sampoen boten wani,  
jèn noedjoe mirsani balapan inggih  
boten wani toetahan. Ewasamanten  
nadjan koela pijambak kala kala jèn  
wonten abang-idjo inggih sok toe-  
moet, Sérkoelèr waoe mesti koela  
aosi sanget, malah sageda boten  
ngemoengaken pegawai goepermèn.

**Behabaning main lan ngabotohan  
sanèsipoen.**

Para sadèrèk.

Pandjenengan sadaja tertamtoe boten sami  
kekilapan, jèn tanah kita Indonesia ngriki  
sampoen lami katradjang ing ama inggang  
saged ndjalari damel moendoering economie  
lan kemadjanipoen bangsa kita Indonesier.  
Inggih poenika main oetawi ngabotohan sa-  
nèsipoen.

Pinte-pinten bangsa kita Indonesier, inggih  
tijang alit, inggih prijanipoen inggang sami  
ketradjang oetawi nggeboer toemoet main  
oetawi ngabotohan makaten. Kang man-  
ka jèn sampoen katjokot lan kerep nglampahi,  
ladjeng toeman, woesana ladjeng dados ka-  
remenan. Jèn boten.....ngraos gela, ketagihan,  
Angèl anggenipoen saged mantoeni oetawi,  
medot babar pisan. Inggih mekaten waoe,  
pantjen memelas, éman.....sanget!!! Amargi:  
Karemenan main oetawi ngabotohan ke-  
djawi saged ndjalari moendoering economie  
lan kamadjanan, oegi saged ndjalari ngrisa-  
ken keserasan, gesang lan ngèteraken pen-  
damelan. Jèn kawon kerep saged noewoehaken  
gagasan inggang boten saé oetawi dados  
raboejing lintah darat, inggang saweg koe-  
di késahipoen saking tanah kita ngriki de-  
ning para pengandjoer-pengandjoer Indonesier.  
Langkoeng memelas lan mesakaken malih  
anakipoen, inggang pantjenipoen kedah ka-  
sekolahaken, kadoedi dateng kemadjanan. Na-  
nging makaten waoe poenapa saged toem-  
indak jèn wragad (artanipoen) telas kateda  
koetjing, babi.....; alias kawon main???

Sapoenika kados-poendi main lan ngabo-  
tohan sanèsipoen waoe toemrapping golongan  
kita gotrah Katholik? O, poenika sanget  
mbebanjani lan moetawastani sanget. Amargi  
jèn kelantoe-lantoe, kedjawi saged ndjalari  
kawontenan-kawontenan kasbat nginggil, oegi  
sanget njoeidakaken anggenipoen netepi  
koewadjiban dawoehing lboe kita Pesameoan  
Katholik. Malah inggang katah saking an-  
genipoen karemenan, ladjeng verlof.

Sampoen semanten kémawon roemijin,  
bèndjing minggoe ngadjeng kepanggih malih.  
Aksamanta, laré Pangèn.  
Percy Blakeney.

**SAKING POERWARDJA.**

*Poenapa prajogi kerep wonten te-  
tingalan?*

Sanadjan kita Poerwardja kita  
alit, boten patosa ramé lan sepi  
ing tetinggalan jèn ta katimbang ka-  
lijan Ngajodja, Solo, Semarang, l.s.p.,  
ananging ing salebeting woelan Juni  
t/m September taoen poenika ké-  
nging koela wastani panoedjoe dja-  
wah tetinggalan, kadosta:

1. Woelan Juni pasar malem Ma-  
di Siswa; angsal-angsalanipoen  
arta kartjis f14000.
2. Tanggal 30 Aug. t/m 1 September  
kramèjan (katah tetinggalanipoen)  
kanggé miwaha djoemenengan 50  
taoenan.
3. Tanggal 30 Augustus t/m 13 Sep-  
tember pasar malem Tjong Hoa,  
arta kartjis f18000.
4. Tanggal 17 September kedateng-  
an setamboel Miss Riboet; saweg  
main 3 daloenipoen kémawon, ar-  
ta kartjis f4100. Poenika ké-  
mawon taksih katah sadèrèk ing-  
gang boten éstoe ningali, margi  
boten oman kartjis. Saladjengipoen  
koela boten njipati.

Déné menggah anggèn koela sa-  
ged njaoesi katerangan angsal-ang-  
salanipoen arta kartjis waoe, saking  
ngandikanipoen tepangan koela ing-  
gang priksa lan kénging pinitados.

Para sadèrèk!

Mitoeroet angsal-angsalanipoen  
arta kartjis, kados inggang sampoen  
kasbat nginggil, kita ladjeng saged  
soemerep: Semanten katahing arta,  
— mèh 98% medal saking sakipoen  
bangsa kita pijambak Indonesiers,  
inggang toemandja kanggé ningali  
(toembas kartjis) kémawon, namoeng  
ing salebeting woelan Juni t/m Sep-  
tember.

Poenapa inggih sampoen tjekap,  
tijang ningali namoeng toembas kar-  
tjis tok? O, babar pisan boten. Ter-  
kadang kabetahan oetawi karemenan  
sanès, arta inggang kawadalaken  
wonten ing tetinggalan ngrikoe (oe-  
pami ing pasar malem) kapara malah  
saged telas tikel 10 nipoen.

N.B. Ing nginggil kasoepèn de-  
rèng koela atoeraken, arta kartjis  
kanggé ing gedong bioscoop (1 pang-  
gènan) à woelan ± f2000.

Para sadèrèk.

Dados sampoen tetéla sanget, jèn  
djagading tetinggalan pantjen moeta-  
watosi lan ndrawasi dateng adjeng-  
ing economie-nipoen kawoela Indo-  
nesiers. Langkoeng-langkoeng jèn  
papan kerep wonten tetinggalan ing  
ngrikoe temtoe badé saja risak. —  
Risaking economie saged ndjalari ki-  
rang tentreming gesangipoen, ing  
wekasan saged oegi damel risak lan  
soedaning tata tentreming pradja  
rahajoe.

Kala waoe koela sampoen matoer  
jèn kita Poerw. kénging koela was-  
tani mentas djawah tetinggalan. Sa-  
ngget ndadosaken goemoening manah,  
sareng mireng kabar boten dangoe  
malih badé wonten (kedatangan) koe-  
midi harmston.

Jèn kabar poenika mila njata,  
temen badé wonten éstoe, koela  
boten badé ngawon-awon oetawi  
natjad tradjangipoen Bestuur-ing  
pangrèh, pradja ing kita kasbat,  
anggenipoen badé karsa paring idi  
dateng tetinggalan waoe. Ing ngriki  
namoeng gadah pamanah lan koe-  
watos: poenapa badé wontening te-  
tingalan waoe boten badé damel  
saja wewahing risakipoen economie-  
ning kawoela Indonesiers ing koe-  
koeban kita ngrikoe?

Lan poenapa boten prajogi katoe-  
lak kasrantosaken bèndjing taoen  
ngadjeng malih? Awit: tetinggalan-  
tinggalan kepenger sampoen damel  
wedaling arta pinta-pinten  
èwoe, lang kanggé ndjagi sampoen  
mèh woelan December . . . kedah  
loenas!!!

Wataking kawoela Indonesiers  
katah inggang remen (karem) da-  
teng tetinggalan, senadjan sampoen  
kerep ningali pisan. Terkadang jèn  
panoedjoe boten gadah arta, katah  
inggang dipoenrèntjangi ambekta  
barangipoen dateng oom Jan (pe-  
gantosan) oetawi nabrak-nabrak  
moeroegi ngempih-empih pados sam-  
boetan dateng lintah darat, anak-  
anipoen katah. Waton saged.....!!  
Inggih mekaten poenapa boten  
prajogi kadjagi?

Kados inggang sampoen kasbat  
wonten ing serat kabar kita si  
Tjantik manis Sw. T. ngriki (no.  
10 tg. 8 Aug. 1930) sedèrèk: Soe-  
katja metik saking de Koerier jèn  
Bestuur-ing pangrèh Ngajodja men-  
tas noelak dateng panjoewoenipoen  
bangsa Tjong Hoa, anggenipoen  
badé ngadegaken pasar malem.

Dawoeh mekaten mila aos sa-  
ngget — pantes ingalembana, inga-  
joebagija — pantes dados toelada-  
ning Bestuur-ing pangrèh sanès  
panggènan — lan kita bravo, bravo  
saéstoe.

Badé damel saéning economie-  
nipoen kawoela Indonesiers, damel  
tentreming gesangipoen, damel in-  
dak ing tata tentreming pradja poe-  
napa malih damel soedaning moe-  
rid inggang boten mlebet — kedah  
katjegah dateng kereping won-  
ten tetinggalan.

Sampoen semanten kémawon atoer  
koela, mindak eladjeng-ladjeng, lan  
moegi kawoeningana déning para  
inggang wadjib saha Bestuur-ing  
pangrèh pradja ing Pw.

Aksamanta:  
laré koementoes: poen:  
PERCY BLAKENEY.

**BODJONEGORO.**

Correspondent kita ngabaraken:  
*Batjok-batjokan.*

Wiwit woelan Sept. doemoegi-  
nipoen sapoenika ing grija sakit  
— wiwit woelan 1 Januari 1930 sam-  
poen kaopper déning Zending —  
poenika loear biasa katahing tijang  
sakit, margi batjok-batjokan.

Tjibi para maos pandjenengan  
nggaling pijambak-pijambak, ing sa-  
lebeting 2 minggoe sampoen won-  
ten tijangipoen 25 ngan inggang  
batjok-batjokan. Poenapa boten  
loear biasa? Inggih katah tijang-  
waoe saking djadjahan Soka, Pa-  
rengos lan Djatirogo. Saking bawah  
district Ngoempak Kalitidoe klebet  
mèh boten wonten, nanging inggih  
meksa wonten satoenggal kalih  
(mangka inggang sampoen-sampoen  
klebet misoewoer).

Menggah prekawisipoen batjok-  
batjokan namoeng prakawis sipil-  
sipil kémawon, kadosta: badé neda  
gaplèk dateng sadèrèk, prakawis  
arta boten mingsra, prakawis sam-  
boetan inggang boten mbedjadjji,  
prakawis tijang èstri (poenika ing-  
gang klebet radi ageng).

Oentoengipoen kok boten ngantos  
lami anggenipoen sami ngorok won-  
ten ing kamar sakit; kita nginten  
margi saking sampoen katahing te-  
tijang inggang gadah tatoe baroe  
inggang kénging dedamel, dados  
poenggawa ing grija sakit ladjeng  
sampoen paham dateng djampini-  
poen. Soekoer ta!! Mila ngantos  
katah para poenggawa inggang di-  
poenontslag, oegi ngantos inggang  
boten wonten lepatipoen kakatoet-  
aken?? Poenapa pantjen inggih  
makaten?? Hèhèh, mbok kagalihi!!!  
N. I. S.

Kita mireng kabar, bilih N.I.S.  
sapoenika medal actienipoen. Sam-  
poen wiwit taoen 1927 ran, N.I.S.  
prasasat kamengsah déning bus-bus,  
boten namoeng inggang mlampah  
dateng Sbg. kémawon, inggang men-  
gilèn dateng Tjepoe oegi mekaten.  
Inggih poenika rehning N. I. S.  
manah sanget ing roeginipoen dja-  
laran bus-bus inggang sami noeng-  
soeng ing samargi-margi, mila la-  
djeng badé ngwontenaken sepoer  
tambahan dateng Sbg. wongsal-  
wangsoel. Bidalipoen dipoensese-  
aken saantawisipoen sepoer no. 508  
lan 512, wangsoelipoen saantawis-  
ipoen sepoer no. 511 lan 517. Margi  
saking poenika N.I.S. saktin ba-  
dé saged njandet roeginipoen sa-  
watawis.

Nanging kados-poendi sikepipoen  
bus-bus, kita dèrèng saged mireng-  
aken; manawi wontening tambahan  
poenika dipoenanggit Concureeren  
kalijan bus-bus inggang gadah ka-  
boedidajan bus-bus temtoe boten  
badé poeroen kawon, ngwontenaken  
ada-ada malih? Kados-poendi mbèn-  
djing dadosipoen?? Inggih meksa  
panggal lan saged tambah risak-  
ipoen economienipoen sampoen  
kénging kita temtokaken i.p. para  
Soeta's lan Naja's inggang boten  
sandé temtoe mindak wijar bolong-  
aning kantongipoen, djer sanglin-  
ding boten poeroen kèndel, badé  
teroes ngginding kémawon.

Tjibi para maos pandjenengan  
jektosi kémawon, mangka ènget lo!  
djananipoen sampoen djaman ma-  
le se boten namoeng malèsèt  
kémawon!!!

**MANTJA NAGARI.**

**SEPAJOL. Ébah-ébahan ngla-  
wan paréntah, ing Madrid.**

Pawartos saking Madrid tanggal  
28 September, martosaken wonten  
tijang 20 éwoenan sami golongan  
republiek, nglempek wonten papan  
kanggé aben lemboe, sarta boten  
seneng kalijan keprabon Sepanjol.

Tilas minister golongan liberal, t.  
Alcala Zamora, nerangaken soepados  
nata Sepanjol lèrèh kémawon.

**HINDOESTAN.**

Poelisi mentas tjampoeh kalijan  
tetijang kaoem demonstranten wonten  
ing Nainital kala 27 Sept. Tijang  
inggang pedjah satoenggal, tatoe 45.

Katah poelisi ketaton. Golongan  
kebangsan oegi katah inggang di-  
poentahan.

Ing Midnapore wonten golongan  
kabangsan 19 dipoenoekeom ngalih  
taoen, 10 ngenembelas woelan, sa-  
toenggal dipoenoekeom sataoen, lan  
wonten malih tiga nigang woelan,  
margi kalepatan damel gègèr lan  
ambentoeri poelisi wonten ing Kha-  
ira mawi sèla.

Tijang inggang dipoenloewari 14.

**ROESLAN. Pers.**

Serat kabar ing Roeslan angédab-  
édabi.

Sadèrèngipoen perang donja, op-  
laagipoen sadaja serat kabar ing  
ngrikoe wonten 2.700.000 exem-  
plair. Sabakdanipoen perang tjatjah  
semanten poenika dados tikel ping  
23 langkoeng. Lan semanten poenika  
badé saja inggil malih saepami  
boten kekirangan kertas.

Ing kalanganing poenggawa pabrik  
kémawon serat kabar w-serat kabar  
gadah pambantoe saé-saé katahipoen  
500.000. Ing doesoen-doesoen serat  
kabar poenika gadah pambantoe  
samlijoenan inggang kapoerih ngin-  
toenaken kabar-kabar.

Margi dagblad-dagblad boten sa-  
ged toemoenten dateng wonten ing  
padoesoenan, saben doesoen ladjeng  
dipoenwonteni serat kabar minggon.  
Kadjawi poenika saben pakarjan  
inggang toenggil damel, gadah koran  
pijambak.

Pangoewasaning serat kabar ing  
ngrikoe ageng sanget. Serat kabari-  
ipoen kaoem tani dipoenwaoes tijang  
1.750.000. S. k. *Prawda* inggang  
maos 150.000, *Iswestia* 800.000.

Ing sa-Sovjet-Rusland gadah serat  
kabar padintenan 349 kaserat mawi  
basa 58 warni. Kadjawi poenika  
taksih wonten kala warti (tijdschri-  
ten) 357.